

老 相將竹馬兒童松高萬歲聲中雜浦梅花香裏人  
閒第一春風

鷓鴣天元貞元年九月初五日

洛杉磯中華詩會

青女飛來洛杉磯  
萬歲山高錦樹秋  
願將清風吹屋最  
木蘭花慢大德六年正月  
開壽域望神州日華雲影思悠悠

# 中華詩詞

問東風何似早吹綠洞庭波  
公元二零一九年  
江頭梅妝的皜柳

態婆婆遙知玉墀鸛鷺對青陽  
紫鬱嶢嶢歡動雲閒

閨闔應收雪外蓬婆  
誰將瑤瑟託湘娥  
穎客播絃歌

向執法森然壽星明處  
陡頓春多衡君也能三呼  
去更



己亥夏至洛杉磯中華詩會羅蘭崗半島酒樓雅集（06.23.2019）  
前左起：楊永超，羅李範成，汪蓮芳，江春冠。  
後左起：莫光輝，陳述，羅達權，謝超林，畢日陞，甘富忠

參

彼何人斯美此之艷也御者  
 對曰臣聞河洛之神名曰宓  
 妃然則君王之所見也豈乃  
 是乎其狀若何臣願聞之余告  
 之曰其形也翩若鴻婉若遊  
 龍榮曜秋菊華茂春紅髮婦  
 兮若輕雲之蔽月馳若流  
 風之迴雪遠而望之皎若太陽  
 外朗霞迫而察之灼若芙蓉  
 出渌波穠纖得中脩短合度  
 肩若削成腰如約素延頸秀  
 項皓質呈露芳澤早加鉛華  
 拂御雲鬢峨嵋脩眉聯娟丹  
 唇外朗皓齒內鮮明眸善昧  
 輔頰承權

越天詩家豐福錄

辛巳仲春 一筆



已故前會長蕭公一葦國畫

蕭公一章自題


仕女圖題詩相贈

汪蓮芳敬書



秋風斂扇換炎涼  
何事伊人重感傷  
無語憑欄花寂寂  
有時立月夜茫茫  
孤燈冷照尋殘夢  
別院歡歌撩亂腸  
愁歛容顏頻對鏡  
眉痕蹙黛憶年芳

洛杉磯汪蓮芳書法 (仕女圖見前一頁)



秋水才深四五尺，野航恰受兩三人。  
白沙翠竹江村暮，相送柴門月色新。

杜甫《南鄰》

明 周臣《柴門送客圖》

陸

常記溪亭日暮沉醉不  
歸路興盡晚自舟誤入  
藕花深處爭渡爭渡  
驚起一灘沙鷺

古怨李煜詞如夢令



洛杉磯甘富忠書法



洛杉磯汪蓮芳國畫《墨竹》



洛杉磯汪孝后國畫《銀河落九天》



玖



洛杉磯江春冠國畫《錦雞圖》

# 洛杉磯中華詩會

永久名譽會長 蕭一葦

顧問 周榮 馬昭君 王萬然

楊永可 陳錫中 楊孟基

秘書 江春冠

副會長 汪蓮芳 莫光輝

楊永超

會址：Los Angeles Chinese Poets Association

20201 Rim Ridge Road, Walnut, CA 91789 USA

電話：(626) 235-3405

洛杉磯中華詩會《中華詩詞》編輯委員會

編輯委員

楊永超

汪蓮芳

鄧超文

王倫德

莫光輝

馬玉強

畢日陞

楊永超

主編

王倫德

鄧超文

馬玉強

畢日陞

副主編

汪孝后

電話

(626)235-3405

地址：20201 Rim Ridge Road, Walnut, CA 91789 USA

電郵信箱：

[chpoetrybox@yahoo.com](mailto:chpoetrybox@yahoo.com)

# 公元二零一九年 洛杉磯中華詩會《中華詩詞》目錄

專論..... 14

淺談如何欣賞中華古典詩詞 汪蓮芳..... 14

詩詞..... 21

汪蓮芳（洛杉磯）詞四闕..... 21

楊永超（洛杉磯）詩四首 詞一闕..... 22

莫光輝（洛杉磯）詩六首..... 23

劉姚朗（洛杉磯）詩五首 詞二闕..... 24

鄧超文（多倫多）詩三首 詞四闕..... 26

周 榮（紐約）詩四首 詞一闕..... 28

黃培玠（英國）詩五首 詞一闕..... 29

陳少平（廣東）詩五首..... 31

曾治津（洛杉磯）詩三首..... 32

吳東晟（臺灣）詩六首	33
馬玉強（洛杉磯）詩五首	34
楊遠芳（洛杉磯）詩四首	35
王倫德（洛杉磯）詩六首	36
周 瀚（香港）詩五首	38
彭中文（深圳市）詩四首	39
畢日陞（洛杉磯）詞六闕	40
張麗輝（遼寧沈陽市）詩二首 詞一闕	42
鮑仙友（浙江）詩三首	42
許青才（浙江）詩四首	43
李純良（廣東）詩三首	44
尹昭雲（美國賓州）詩二首	44
謝超林（洛杉磯）詩二首	45
唐譚錄（廣東汕尾市）詩四首	46

王孝峰 (安徽桐城) 詩四首 詞一闕	47
江 晟 (安徽) 詩三首	48
吳雁程 (廣州市) 詩四首	49
鄧壽康 (廣東韶關市) 詩四首 詞一闕	50
葉翰江 (廣東惠州) 詩二首	51
李明華 (湖北) 詩三首 詞一闕	51
劉維斌 (江蘇泗洪) 詩三首 詞一闕	53
袁江本 (湖北石首) 詩三首	54
高洋斌 (陝西咸陽) 詩三首	54
余廷林 (貴州畢節市) 詩四首	55
王善同 (新疆烏魯木齊市) 詩二首 詞二闕	56
李忠範 (浙江) 詩三首	57
胡爭志 (湖南岳陽市) 詩五首	58
杜丫丫 (臺灣) 詩四首	59

蘭 嶼 (新疆呼圖壁縣) 詩五首 詞一闕	60
溫存凱 (台灣新北市) 詩三首 詞二闕	61
邱才揚 (江西) 詩四首 詞二闕	63
王靜文 (河南新鄉市) 詞三闕	64
張允賓 (山東青州市) 詩一首 詞三闕	65
樓曉峰 (浙江遂昌縣) 詩三首	66
封麗珍 (甘肅天水市) 詩三首	67
王姿涵 (臺灣高雄市) 詞二闕	68
韓桂雲 (河南濮陽市) 詩五首	68
徐中秋 (浙江台州市) 詩三首	69
董惠龍 (廣東茂名市) 詩六首	70
趙婷婷 (英國) 詩六首	71
潘書文 (陝西旬邑縣) 詩一首	73
嚴高東 (江蘇沭陽縣) 詩二首	73

楊長華 (江蘇鹽城) 詞三闕	74
董九林 (北京) 詞五闕	75
姚憲民 (陝西三原縣) 詩二首	77
梅紅 (洛杉磯) 詩四首	77
李偉 (陝西西安) 詩五首	78
陳麗華 (臺灣新北市) 詩六首	79
倪進明 (安徽蕪湖) 詩三首	81
李同振 (河北) 詩二首	81
華慧娟 (廣東) 詩五首	82
戚克明 (瀋陽市) 詞二闕	83
熊石望 (湖南岳陽縣) 詩五首	84
汪海峰 (甘肅) 詩六首	85
鄭建安 (廣東深圳市) 詞一闕	86
韋雲岑 (廣東深圳市) 詞四闕	87



卓臨江 (廣東汕尾市)	詞一闕	88
汪選輝 (湖北襄陽市)	詩四首	88
戴曉翠 (安徽合肥市)	詩三首 詞二闕	89
謝宗翰 (臺灣臺南市)	詩四首	90
胡爾泰 (臺灣臺北市)	詩五首	91
鄧壽康 (廣東韶關市)	詞二闕	92
李春華 (紐約)	詩五首	93
羅達權 (美國加州)	詩三首	94
蔡秋勝 (廣東)	詩四首	94
蔡穎標 (廣東)	詩三首	95
林雪兒 (廣東)	詩二首 詞二闕	96
肖松 (廣東)	詩三首 詞一闕	97
羅保東 (廣東)	詩一首 詞二闕	98
黃果麗 (廣東)	詩五首	99

林雪卿 (廣東)	詩二首 詞二闕	100
黃小雨 (廣東)	詞三闕	101
蔡春梅 (廣東)	詩五首 詞一闕	102
陳金如 (廣東)	詩四首	104
張互宇 (臺灣南投市)	詩六首	105
丘勝明 (香港)	詩六首 詞一闕	106
銀開源 (甘肅)	詩六首	108
李述 (吉林)	詩二首 詞一闕	109
汪維仁 (江西修水縣)	詩四首	110
王晉恆 (馬來西亞)	詩一首 詞二闕	111
張樞明 (瑞士)	詩四首	112
白良英 (山東青島市)	詞二闕	113
鄭杰 (江蘇淮安市)	詩五首 詞一闕	113
溫鎮蓬 (廣東)	詩五首	115

孫政 (遼寧沈陽市)	詩二首	116
龐志榮 (洛杉磯)	詩二首 詞二闕	117
王建明 (新疆)	詩五首	118
游士傑 (臺灣臺東縣)	詞二闕	119
林東霖 (臺灣南投縣)	詩七首	119
楊小源 (瀋陽市)	詩一首 詞二闕	121
李鳳英 (瀋陽市)	詩三首	122
饒麗萍 (四川)	詩五首	122
劉桂芬 (遼寧)	詩一首	123
吳俊男 (臺灣彰化縣)	詩四首	124
萬尚珍 (瀋陽市)	詩一首	125
王華 (瀋陽市)	詞一闕	125
劉榮義 (瀋陽市)	詩一首	125
羅英健 (瀋陽市)	詞一闕	126

惠 風（瀋陽市）詩一首	126
翟紅本（河南）詩二首 詞一闕	126
張瑞次（北加州）詩二首	127
陳佳聲（臺灣）詩二首	128
謝四海（臺灣）詩一首	128
江春冠（洛杉磯）詩二首	128
譚宗義（紐約）詩四首	129
程 燕（紐約）詩三首	130
吳 行（紐約）詩二首 詞一闕	131
張其全（山東青島市）詩二首	132
姜美玲（吉林）詩五首	132
趙家海（浙江）詩二首	133
沈建浩（廣東）詞三闕	134
劉智浩（四川成都市）詩三首	135

劉光軍 (河北) 詩三首 詞二闕	135
賀永粹 (甘肅白銀市) 詩四首	137
梅力生 (新澤西) 詩四首	138
陳善良 (紐約) 詩四首	139
王永連 (紐約) 詩三首	140
譚湘芷 (紐約) 詩二首	140
靜子 (山西大同市) 詩三首 詞一闕	141
祖愛民 (安徽蕭縣) 詩四首	142
李伯雲 (安徽蕭縣) 詩二首	142
陳匡任 (紐約) 詩二首	143
趙永鵬 (紐約) 詩二首	143
陳偉區 (紐約) 詩三首	144
梁小峰 (紐約) 詞三闕	145
郭仕彬 (紐約) 詩四首	146

王敏健 (費城) 詩二首 詞一闕	146
陳梅珍 (紐約) 詩三首	147
賦	148
馮貴華 (陝西漢中市)	148
諸家撰聯	154
輓詩輓聯悼念洛杉磯中華詩會會長舒先生憲波	157
己亥新年劉姚姚朗詞長春茗招筵詩友唱酬集	162
編後話 楊永超	165
美國洛杉磯《中華詩會》2020年度五月一日起徵稿啟事	167

淺談如何欣賞中華古典詩詞

汪蓮芳

《一》前言

子曰：「興於詩。」

又云：「人而不為《周南》、《召南》，其猶正牆面而立也與？」說明夫子對詩的重視，他教學生首在「小子何莫學夫詩。」

詩究竟是什麼？鍾嶸在《詩品》中曾作這樣說明：「氣之動物，物之感人，故搖盪性情，形諸舞詠。照燭三才，暉麗萬有，靈祇待之以致饗，幽微藉之以昭告；動天地，感鬼神，莫近於詩。」他也深以孔子之論詩，以詩可「興，觀，群，怨」之義為然。並且以為「使窮賤易安，幽居糜悶，莫尚於詩矣。」

宋理學家程頤云：「興於詩，是興起人善意。興於詩者，吟詠性情，涵暢道德之中，有「吾與點也」氣象。」（程氏外書二）

程顥云：「學者不可不看詩，看詩使人長一格價。」

## 《二》如何讀詩詞

### 第一，溫柔敦厚之詩教

孔門詩教即說：「溫柔敦厚而不愚。」詩人作詩是心中「志」發而為詩，表現的情緒，要哀而不傷，樂而不淫，怨而不怒。試看李白：《玉階怨》：

玉階生白露，夜久侵羅襪。卻下水晶簾，玲瓏望秋月。

佇候望人，久又不見，只「卻下水晶簾，玲瓏望秋月。」為懷，此溫柔也，此怨而不怒也。

元遺山論唐詩：「唐人之詩，其知本乎？何溫柔敦厚、藹然仁義之言之多也！幽憂憔悴、寒饑困憊，一寓於詩。而其阨窮而不憫，遭佚而不怨者，故在也。至於傷讒疾惡，其辭愈緩，優柔饜飫，使人涵泳於先王之澤，情性之外，不知有文字。」（遺山集三十六）

「怨之愈深，其辭愈婉。」之旨，正是唐詩可愛可讀之處。

試讀：

杜甫《江南逢李龜年》

岐王宅裏尋常見，崔九堂前幾度聞。正是江南好風景，落花時節又逢君。



劉禹錫《秋風引》

何處秋風至？蕭蕭送雁羣。朝來入庭樹，孤客最先聞。

（若說不堪，則淺。）

韋應物《秋夜寄丘二十二員外》

懷君屬秋夜，散步詠涼天。空山松子落，幽人應未眠。

由於詩人的性分和興會妙造自然，則寥寥數筆，即見性情。試看：

歐陽修《蝶戀花》

庭院深深深幾許，楊柳堆煙，簾幕無重數。玉勒雕鞍遊冶處，樓高不見章臺路。雨橫  
風狂三月暮，門掩黃昏，無計留春住。淚眼問花花不語，亂紅飛過鞦韆去。

《古今詞話》：永叔詞云，「淚眼問花花不語，亂紅飛過鞦韆去。」可謂層深而渾成，人愈傷心，花愈惱人；語愈淺，意愈入，又絕無刻畫費力之跡。

## 第二、味外之旨 得其神韻

讀詩若拘於字面以解詩，則失之「泥」。

若拘於章法以解詩，則失之陋。

拘於史跡以解詩，則失之鑿。

蓋讀詩之法，則重神會；詩之作法，味外之旨。

孔子曰：「可與言詩。」即指詩不可「泥」。

詩斷無不可解之理。同時，詩亦有不能解，和無法解者。

例如：

不可解：

一、李商隱《錦瑟》

錦瑟無端五十弦，一弦一柱思華年。  
莊生曉夢迷蝴蝶，望帝春心托杜鵑。  
滄海月明珠有淚，藍田日暖玉生煙。  
此情可待成追憶，只是當時已惘然。

二、杜牧《贈別》

娉娉嫋嫋十三餘，豆蔻梢頭二月初。  
春風十里揚州路，捲上珠簾總不如。

不必解：

一、王昌齡《芙蓉樓送辛漸》

寒雨連江夜入吳，平明送客楚山孤。洛陽親友如相問，一片冰心在玉壺。

二、杜牧《即事》

小院無人雨長苔，滿庭修竹間疏槐。春愁兀兀成幽夢，又被流鶯喚醒來。

解詩不能太認真，往往在可與不可。詞固然。所謂煙水迷離之致，為無上乘耶。（況周頤蕙風詞話）

這正是性分和興會，情與景融洽的產物。又何能言筌？只有若有若無之間，朦朧恍惚。似此不能太認真，它並非壹加壹等於貳，來探索他的真實。讀詩詞必須有充分想像力，也即是似是而非，始可言詩。如：

《浣溪沙》晏殊

一曲新詞酒一杯，去年天氣舊亭臺。夕陽西下幾時回？  
無可奈何花落去，似曾相識燕歸來。小園香徑獨徘徊。

《憶江南》劉禹錫

春去也，多謝洛城人。弱柳臨風疑舉袂，叢蘭裊露似沾巾。獨坐亦含嚬。

《臺城》 韋莊

江雨霏霏江草齊，六朝如夢鳥空啼。無情最是臺城柳，依舊煙籠十里堤。

以上作品，含有詩人的性情，興會，和思致乃有所謂「神韻說」，「性靈說」。王國維以「境界」說，概括言之，作為詩詞評鑑的根據。

讀詩者，往往各以其情而自得。依憑自身的學養、悟性，智慧，能力和體會，才能領悟詩詞中「趣味」。才能了解詩，也才能體會詩詞中之「情中景」、「景中情」。

蓋詩人作品，往往景以情合，情以景生，「情」與「景」名為二，而實不可離。神於詩，妙合無垠。巧者則「情中景」，「景中情」試讀：

一、無可奈何花落去，似曾相識燕歸來。 晏幾道

二、感時花濺淚，恨別鳥驚心。 杜甫

三、《金谷園》 杜牧

繁華事散逐香塵，流水無情草自春。日暮東風怨啼鳥，落花猶似墮樓人。

## 四、《更漏子》 溫庭筠

玉爐香，紅蠟淚，偏照畫堂秋思。眉翠薄，鬢雲殘，夜長衾枕寒。  
不道離情正苦。一葉葉，一聲聲，空階滴到明。

梧桐樹，三更雨，

## 五、《虞美人》 李煜

春花秋月何時了，往事知多少。小樓昨夜又東風，故國不堪回首月明中。  
雕欄玉砌應猶在，只是朱顏改。問君能有幾多愁，恰似一江春水向東流。

咫尺而有萬里之勢。詩詞有勢，即有神韻，即有風味。其樸厚醇至，由性情學養中出。即一半靠天份，一半靠修養。

以真摯，自然的情感，洗鍊的文字工夫，再多賞鑒，了解古人佳作，咀嚼背誦，真積日久，自己也可以作出好詩詞。

## 詩詞

## 汪蓮芳（洛杉磯）詞四闋

## 《江城子》

幽蘭蘸露濕中庭。夜蛩輕。月華明。花落山城，別意共飄零。片片殘香春欲暮，聞玉笛，故園情。

## 《一叢花》題李康採蓮圖

沙洲蘋岸繞芙蓉。霞蘸水西東。羅裙染映波痕軟，照纖影，疊翠紛紅。盈袖暗香，幽懷共遠，空寄半湖風。含愁悄立思無窮。短夢太匆匆。玉容翠蓋驚寒早，共吹盡、零落秋蓬。回首恨凝，青峰無語，歸棹渺煙空。

## 《高陽臺》枯荷

香咽幽亭，煙浮膩水，凌波夢斷池前。驚識西風，盈盈粉淚清圓。空擎冷露餘情歇，念素心、幾許縈牽。算飄零，淡月空廊，半與寒煙。憑欄漫記薰風意，正迴堤綠窄，綴岸紅鮮。夢入江南，陰陰誰繫歸船。舞衣落盡滄波老，剩舊山、冷到鷗邊。帶孤鴻、一片清愁，無際雲天。

## 《如夢令》白蓮

清露漫沾秋怨。綠鬢玉顏纏繞，照水曉煙寒，吟袖暗香盈滿。幽淡。幽淡。野水幾枝燈黯。

## 楊永超（洛杉磯）詩四首詞一闕

## 無題

(一)

博學時乖變鬼牛，書詩左右也憂愁。人間不少文章淚，付與長江日夜流。

(二)

流年似水太匆匆，血灌丹心志不窮。把酒吟詩詩勝火，憑欄抽劍劍如虹。浮舟滄海英雄氣，立馬崑崙壯士風。滿腹豪情酬盛世，高歌一曲大江東。

## 蘭亭遺韻

(一)

蘭渚清溪畔，縱林淥水濱。當年留雅馥，今日競芳茵。修禊流觴送，幽篁拂檻珍。亭前歡有墨，正氣自情真。

(二)

蘭亭韻事史留芳，俊彥渾同修禊忙。厨舍竹林劊嫩笋，流觴曲水醉藤黃。奇文妙墨傳千古，麗句清詞啓序唐。白髮衰翁遊故地，盡收品類入詩囊。

《畫堂春》蘭亭懷古

迴瀾曲水繞蘭亭。茂林修竹泉清。千秋遺墨永留馨。不愧書精。昔日流觴雅事，風騷無限高盈。篇成絕序響金聲。萬世佳銘。

莫光輝（洛杉磯）詩六首

次韻黃仲則綺懷十六首選六

(一)

窈窕凌波妙舞輕，星眸盼眄彩霞明。風前弱柳千般媚，雨後夭桃萬樣情。同賞春霄花解語，分飛秋雁恨初成。當時只惱綢繆處，無那雞鳴又數聲。

(二)

銀箏誰弄擬湘靈，孔雀裙飄展翠屏。魚檻同依情似蜜，雞窗共枕夢初寧。抽殘蠶繭絲難斷，落盡楊花絮未停。為問天河泛槎客，鵲橋何處渡雙星。

(三)

南園攜手踏蒼苔，往事如煙歷歷來。此日靈河難一渡，當初誓約證千回。錐心舊恨情猶焰，刻骨前塵夢已灰。碧玉琵琶應別抱，不知身向阿誰偎。



## (四)

永憶燈前邂逅初，春風吹入子雲居。搜渾俊語耽詩句，損盡柔腸托錦書。被酒猶呼添綠蟻，試妝偏愛比紅蕖。於今追悔成何益，未得駢行作鰈魚。

## (五)

佳人倩影月中望，兩地離懷暗自傷。此際徒憐眉欲語，當時只覺鬢生香。天台有路留仙客，紫府無緣笑玉郎。桂殿姮娥應寂寞，塵寰不見倦梳妝。

## (六)

無那消磨白髮生，忍教心事付瑤箏。前身今世緣難料，絮果蘭因業自成。笑靨轉為藏淚靨，歌聲翻作誦經聲。勞勞珍重長揮手，絕泣征輪萬里行。

劉姚朗（洛杉磯）詩五首 詞二闕

## 春花

桃杏東風三月天，畫橋西畔景如煙。嫣紅影出宮牆外，綻紫香深玳瑁筵。飛絮似棉穿繡戶，落花如雨撲雲箋。山河秀麗春光好，策馬徐行人輞川。

## 柳堤映翠

爛漫夭桃映水流，春風垂柳萬枝柔。  
綠楊芳影搖花閣，紅杏幽香滿畫樓。  
躑躅河邊朱頂鶴，浮游水面白沙鷗。  
碧波清澈游魚密，翠岸心怡下釣鉤。

## 春曉

離離芳草連平阡，曉霧迷濛春欲妍。  
有恨流鶯驚蝶夢，無言紫燕蹴榆錢。  
夭桃暖趁三江水，楊柳青含五嶺煙，  
正是和風拂襟袂，扁舟野岸杏花天。

## 流光

黃昏駘宕靜斜暉，鴉入疏林急晚歸。  
姿態當年身窈窕，儀容遲暮體癡肥。  
荼蘼開敗春方去，菡萏凋零夏式微。  
過隙流光催鶴老，期頤高壽古來稀。

## 詩魔

世上天才有幾何，十年三度喜登科。  
青衫淚濕琵琶怨，無絕連綿長恨歌。  
難耐胼胝生痛楚，從來好事折磨多。  
詩魔一譽傳天下，半屬褒揚半屬訛。

## 《清平樂》聽雨

甘霖狂扣。門戶敲將透。疑是故人來聚舊。直到天明時候。雨停旭日晴空。雲移霞影長虹。亭苑繁花競放，婀娜嬉笑春風。

## 《滿庭芳》回穗

香荔初紅，芭蕉新綠，木棉花燦梢頭。海空遼闊，桑梓引歸舟。縈繞鄉思萬縷，情難了、茹恨離愁。羈魂夢，白雲山秀，珠水碧悠悠。良儔。齊雅集，詩壇俊彥，文苑名流。賦花蔓東籬，月上西樓。千里喜逢際會，婆娑舞、擊節歌謳。頻傾盞，怡情錦瑟，容我醉方休。

## 鄧超文（多倫多）詩三首 詞四闕

## 思鄉雁

啼斷人腸處，思鄉雁表心。雲迷征路遠，客念故園深。  
菊秀黃花地，楓紅赭葉林。雨聲長淅瀝，徒惹恨難禁。

## 古井

荒郊留古井，棄置草叢中。荊棘環周蔓，鶉花遠處紅。  
寒凝傷失意，熱切訴由衷。塊壘全傾倒，閒愁化作風。

## 隱士

歸隱蝸居懶出遊，閒來湖畔賞群鷗。亭亭荷綠消炎夏，淡淡菊黃傲冷秋。  
擬習丹青筆下放，曾留翰墨閣中收。蟠頭尚喜身還健，感謝神恩伴我留。

## 《早梅芳近》念寄

共深研，同歡笑，夜半看雲皎。知君愛笛，吹奏餘音繞樑嫋。鴻驚天籟遠，鳳翥山巒小。惹相思暗自，陶醉柳腰窈。步搖搖，聲孌孌，心被絲絃挑。今宵念寄，欲訴衷情向君表。蟾宮懸彩曜，桂魄輝光皓。付吟哦，韻清詞意妙。

## 《武陵春》月圓

超級圓輪天際掛，恰巧值元宵。火樹銀花午夜消。月距地球遼。  
浮動幽香簾外送，散放自梅梢。預祝豬年福樂饒。米滿廩，玉鋪橋。

## 《玉樓春》千年蝶夢

侵牖寒風穿錦幔。驟惹愁思懷舊緬。莊周蝴蝶夢千年，韻事於今空眷戀。  
略水茫茫遼闊瀚。日落黃昏鷗鳥伴。翩翩倩影覓無從，綺夢依稀難再返。

【註】略水：指安大略湖，在多倫多南部，一水分兩國，彼岸即美國邊境。

《西江月》夏夜感懷

皎月影移西閣，翠荷葉滿東塘。中宵佇立晚風涼。蟬噪蚰吟爭響。  
酒淡茶香淺酌，人情世味深嘗。由他變幻雪冰霜。莫憶驪歌曾唱。

周 榮（紐約）詩四首詞一闕

讀七姐「端午自祭」詩依韻慰之

節序雖更徑未荒，紅塵百味總需嚐。遇隳遇劫應堅毅，無奈無緣莫感傷。  
世態炎涼多斷續，人生得失費評量。騷魂勵志重燃火，願再揮戈效魯陽。

悼熊鑑先生

猶記羊城謁隱賢，得聆指點感投緣。峻嶒骨貌阿諛語，耿直心嗤獨攬權。  
欲再程門經雪立，何堪噩耗越洋傳。詩壇形象長留世，吟草千秋茂路邊。

波多黎各行之抵埗

偕遊島國訂航班，呼嘯初臨自九寰。地理居於南北美，風光展在水天間。  
交通未見車龍堵，溫度常教大汗潑。旅館憑窗觀景象，艇船羅列泊深灣。

波多黎各行之首府聖胡市舊區

古色青磚道路鋪，大洋島市物情殊。窄街商店規模小，地勢斜形里巷途。  
營業早收成習慣，路標簡示使糊塗。郵輪泊岸增遊客，友善於求不論膚。

《臨江仙》題岑全遠先生冊頁

畫水描山勤點染，丹青顯盡風流。多嬌美態不勝收。積雲濛疊嶂，飛瀑瀉龍湫。  
成竹在胸皴法妙，了然筆下春秋。天涯心路繞神州。豪情臻境界，藝海立潮頭。

黃培玠（英國）詩五首詞一闕

五日悼靈均

又賦懷沙弔累臣，嶮巖崎路太迷津。簪門苦艾銷塵劫，去國輕舟本夙因。  
香染楚蘭憐逐客，魂歸湘浦憶詩人。振衣濯足隨清濁，細讀離騷孰忍論。

冬日感懷

霜嚴霧重冷層穹，野色林隈掃葉風。竹影搖窗憐夜永，梅梢和月入空濛。  
同雲釀雪虛閒處，呵凍敲詩澹泊中。坐起焚香虔默祝，來年稻麥兩豐隆。

## 北風

雨雪霏霏下玉宸，其虛既亟氣驕人。騰飛匣劍鳴秋壁，威戮城狐浴血塵。  
龍野霸才依魏闕，武陵花信候陽春。天涯羈滯看胡馬，雁過颿風覓句新。

## 感事

民主人權噪不休，蚩氓蜮霧倩誰收。劇憐匣劍空鳴壁，爭耐城狐盡上樓。  
蘇世何容真士隱，星槎無望葛天遊。微茫倦眼看遼鶴，自笑蟲沙作杞憂。

## 戊戌臘日

歲晏鄉情切，窮天暖尚遙。簾隨雲意捲，酒借客愁消。  
伏臘為期會，巖阿遠俗囂。杏梢寒不動，晚雨待春潮。

## 《齊天樂》

怨紅愁綠牽襟袖，炎威又凌窗牖。角黍堆金，珠榴吐燄，風雨殘春馳驟。黃梅節候。  
見月朔鴟淒，燕巢鸞偶。天問徬徨，澤邊幽緒怎參透？湄南烟水入夢，極邊迷  
望處，椰蕉修茂。落日鄉心，征塵酒債，難遣情懷故舊。停雲翹首。嘆濯足滄浪，  
斷腸烟柳。露白霜青，自傷搖落久。

陳少平（廣東）詩五首

偕蘭芬並諸君重游西湖

煙柳長堤帶水潯，湖山似舊我重臨。  
浮天水眨吳娃眼，印月潭澄粵客心。  
攜去情緣須並渡，邀來風日與同吟。  
等閑不見滄桑感，西子情深春亦深。

過錢塘江

尋幽偶過錢塘江，江畔停車望渺茫。  
昨日樓臺吳越國，今朝艫舳水雲鄉。  
三千弩盡潮難靜，十四州全澤自長。  
遍聽杭人道不盡，扶天富地憶錢王。

重到蘇州，友人趙斌、臬玉清雅叙

十五年來思未消，重來是處聽吹簫。  
不除豪氣趙州士，又近齊眉臬氏橋。  
千里月明情眷眷，兩番星聚夢迢迢。  
太湖南海洪波起，湖海相依不寂寥。

與臨江兄、保東登樓訪趙斌雅齋「小樓舊舍」

咚咚曲背復低頭，牖對長街愈覺幽。  
置榻有緣同品茗，擁城而統自封侯。  
無非揚子一區宅，豈必元龍百尺樓？  
萬卷舊書相倚托，何人不說趙蘇州。



## 蘇州聚會，趙斌設宴

街邊酒肆疊鱗鱗，簇擁成圍擠更親。  
 人有友朋天下小，家無遐邇此間鄰。  
 餐盤百轉分餽饌，酒盞千巡變主賓。  
 一醉酩酊爭聒囔，桃花未謝滿樓春。

## 曾治津（洛杉磯）詩三首

## 洛城竹枝詞三首

(一)

蓋蒂藝宮儘賞玩，西洋傑作任君看。  
 迷人最是好風景，門對汪洋背翠巒。

(二)

蝸居卜在洛城西，十里風華意未迷，  
 等是蓓林風物好，殘年喜得一枝棲。

(三)

異域殊鄉秋復春，四十年已慣風塵。  
 門前冷落閒車馬，喜報天邊來故人。

## 吳東晟（臺灣）詩六首

### 北回歸線

伊誰張緯線，劃界割諸羅？莫怪人間事，向來分別多。

【注】臺灣之嘉義縣，舊稱諸羅。北回歸線橫貫此縣，其北為亞熱帶，其南為熱帶。

### 戊戌雜詠

瀛臺光蝕閉天閭，烈士輕身醒國魂。功罪春秋六君子，去留肝膽兩崑崙。  
時潮復湧思難靜，舊史重諳許再溫。想見他年論戊戌，狂人博奕換乾坤。

### 贈涵瀛

高閣飄清樂，仙庭飲太和。天涼當此夜，來聽故人歌。

### 留春

灼灼春來日，依依春去時。去來俱寂寞，孤負好花枝。

### 論詩

簫劍平生莫己知，心聲心畫競為詩。伯夷采蕨悲衰命，屈子懷沙戀故壩。  
滄海橫流思化俗，狂瀾既倒枉匡時。江湖若得漁樵友，願共山歌伴竹枝。

## 端陽懷古

郢都置秦郡，愧憶楚賢臣。五月江濤惡，曾埋憂國人。

## 馬玉強（洛杉磯）詩五首

## 越國鄉誼相逢

梓里相逢樂，寒暄訴別哀。鄉愁同有感，往事憶無窮。  
越國人情好，湄江水雅融。同歡聊不盡，一一繫懷中。

## 歡迎風笛詩社潘國鴻統籌蒞南加州

翠綠池邊柳絮開，薰風乍拂故人來。騰歡迎迓知交至，雀躍相逢笑語陪。  
醉墨文壇同愛好，陶情藝苑一心栽。詩儔唱和抒懷暢，齊詠高吟快樂哉。

## 金山詩藝會新春雅聚

春風輕拂潤花鮮，紫氣東來報好年。藝苑詩篇墨卷戀，文壇賡韻筆纏綿。  
金山彩秀千重悅，騷雅聲清萬里傳。雀躍聯歡瀟灑放，揮毫亮麗艷陽天。

## 敬和林天詩翁《春日抒情》

萬紫千紅雀躍多，覺嬉春暖弄輕波。叢中環繞蝶狂舞，枝上吱喳鳥唱歌。  
麗日融融普大地，花球簇簇滿山坡。開懷抒筆歡吟詠，喜沐和風快樂過。

## 依韻步和扶風社長《海外端午節》

一代詩宗墨滿壺，閔懷民瘼痛乖殊。諫君正氣真強骨，捨己犧牲一弱軀。  
永使龍舟成美事，長留佳節憶香蒲。忠魂不墜垂千古，汨水悠悠記烈孤。

## 楊遠芳（洛杉磯）詩四首

## 風箏

初夏晴方好，沙灘放紙鳶。清風乘興托，素手用心牽。  
雖有凌霄志，還隨人世緣。悠悠天地闊，顧盼賞雲煙。

## 夏日

南風會天意，熱浪漸高揚。林密蟬聲噪，窗明竹影涼。  
榴花紅豔豔，梧葉綠蒼蒼。還是黃昏好，從容看夕陽。

## 夏夜星空

兩岸星光熠，長河南北橫。參商應有誤，人馬料無爭。  
斗極殷殷意，琴鷹脈脈情。還期獅座雨，一粲可傾城。

## 睡蓮

微風時拂面，綠葉喜田田。曲岸多垂柳，平湖半睡蓮。  
浮移燕舟滑，嬉笑杏腮妍。佛座塵無染，心珠待有緣。

## 王倫德（洛杉磯）詩六首

## 初夏文友薈萃

——風笛詩社統籌潘國鴻遊南加州，五怪薈萃於八八八酒樓，一律以誌。  
初夏統籌會友台，薰風文采透顏開。一枝勵筆匡新世，五怪揮毫憶舊醅。  
曲水流觴生雅韻，樓頭待月遠人來。賡吟坐對日忘卻，握手天涯亦快哉。

## 賀老伴生辰

緣深結伴度春芳，歷盡風雲情益長。無事同溫初戀悅，有爭互讓始和祥。  
育兒育女伊憔悴，顧室顧家鬢染霜。白髮絲絲今更美，卿卿吾愛壽而康。

## 謝笛友沈季夫與馮彩珍伉儷招筵

騷壇餼飲俱名成，文苑奇才墨色生。出國千篇揮彩筆，回鄉百詠寄深情。  
詩拋肝膽詞豐美，辭捲心聲思路明。吟唱放懷胸有志，雙星瑰藻早蜚聲。

## 遙送舒會長憲波先生

公祭儀式缺席，謹以一律遙送舒會長港灣墓園入土為安

玫瑰崗前草木稠，文星隕落幾悲幽。書香裊繞昔時著，墨韻芬芳今後留。  
駕樞登山雲暗轉，臨岐握別淚長流。港灣新接一儒士，金匣深埋觀景疇。

## 參加《五四運動》百年紀念會

五四精神德賽推，百年歷史績佳來。新科共究興邦策，舊俗同除繼世才。  
民志圖宏民主立，國家拓展國防開。狂瀾端賴中流柱，寰宇昇平上舞台。

## 祝母九一生辰快樂

慈親九一慶生辰，養育劬勞歷苦辛。陟屺瞻雲舒笑眼，門庭切倚喜躬身。  
床邊訓女慈懷濟，堂側教兒重義仁。海屋添籌萊祝賀，期頤在望再添春。

【注】家慈一生經歷三次大遷徙，最難忘的是七九年，在越南堤岸車站送我上藩切下船偷渡時的背影。母親生辰，一律誌喜。

## 周瀚（香港）詩五首

### 詠香港高鐵

滿載香江譽，歡歌曳玉觥。  
遐方飛鳥逐，邇站彩雲迎。  
電掣追千舸，風馳入萬城。  
暢游煙水畔，天地任縱橫。

### 詠港珠澳大橋

漫漫長龍舞，神奇舉世驚。  
零丁翻浪險，獅嶺捲風橫。  
跨岸虹橋架，飛川玉笛鳴。  
雲霞無阻隔，喜看白鷗輕。

### 致曼德拉

日暮南非夢，羈留野島深。  
千年平等志，萬里自由心。  
劍舞黃花落，琴鳴古樹沉。  
英雄何處去，天地曠空音。

### 春日英德品紅茶

和風習習入芳州，鳥語花香碧水流。  
疊翠山林雲霧湧，吟詩品茗樂無憂。

### 七夕

年年一聚相思苦，望斷銀河架鵲橋。  
今夕秋風不蕭瑟，只因與月共良宵。

彭中文（深圳市）詩四首

周莊日暮秋感

望裡周莊燈若霞，疑為畫匠亂塗鴉。  
春心早綠鄉村夢，秋野誰堆金玉瓜。  
蕉露滴涼窗抱月，雲帆欲遠客思家。  
鄉愁恰似池中水，每有風吹起浪花。

上海櫻花節感詠

漫天花雨耀申城，最美人間四月盟。  
疊影新霞塵不染，浮香曲徑鳥相迎。  
心同萬里春風放，夢共長江一月明。  
搖曳枝頭生氣象，如卿解語繪崢嶸。

春雨

無聲柳籠煙，紫燕過前川。  
畫下青青線，心頭細細弦。  
幾多情待織，不少夢難圓。  
今我鬚毛白，為張一尺天。

低端感事

趙家荒誕說低端，俯仰傷春四海寒。  
頤指營營皆下土，權謀諾諾拜神壇。  
青山有骨擎天柱，小丑無知刮地冠。  
放眼蚊蠅爭逐血，還憑氣使等閑看。



畢日陞（洛杉磯）詞六闕

《繞佛閣》初夏抒懷次周清真韻

卉塵早斂。花信已滯，春黯池館。詞味長短。曜靈半鞞。遲鶯舞樓幔。翠枝綴滿。禪諦物外，偏好幽遠。詩韻柔婉。茜痕擷取河邊柳堤岸。水秀影顛倒，眼底平湖湖一綫。猶記醉杯船風吹酒面。嘆故侶何方，時去如箭。景光重見。遜舊夢城南，鄉思零亂。又吟懷、與誰舒展？

《黃鸝繞碧樹》洛杉磯憇息園

君子蘭亭畔，春威幾許，紫酣橙綻。憇息花園，對芳櫻翠幕，雅橋風暖。異葩窈窕，又回望、勤蜂依戀。行走處、聽雀臺前佇立，鶯聲撩亂。池水瀾微漪轉。惹凝眸、素波清淺。景光好、白樓幽院老，還念仙眷。隔絕市衢此地，擾攘俗塵都浣。浮生半日歸來，遣懷詩卷。

《疏影》西木墓園夢露墓

墳碑聳立。見櫻唇印遍，徒增悲惻。韻事如今，夢冷西園，前塵舊影愁織。風華絕代渾無用，獨賸得、黃泥岑寂。悵優伶、銀海星沉，悶并洋娥回憶。猶記飄裙裊動，碧眼正媚嫵，金髮垂額。細柳描眉，淺笑輕顰，總是情多標格。香消玉殞伊人去，痴迷衆、獻花懷昔。置薔薇，不斷芬芳，頻換紺紅顏色。

【注】見櫻唇印遍：有迷衆輕吻碑板，留下唇印。

### 《齊天樂》蟹

橫塘蓼岸星光夜，乘潮乍臨淺浦。漸少菱歌，鴻天燒葦，此際津門秋暮。爬沙響處。見紅細漁燈，橫行儔侶。正吐腥涎，有心人設法收捕。水村漁市來客，置青筐揀選，鼎鑊烹煮。嫩玉螯封，膏脂殼凸，畢卓池邊情緒。笑談樽俎。菊外橙陰筵，傾杯豪語。潑醋搗薑，老饕添食趣。

【註】畢卓：字茂世，新蔡銅陽（今安徽臨泉銅城）人。南朝宋劉義慶《世說新語任誕篇》載畢茂世：「一手持蟹螯，一手持酒杯，拍浮酒池中，便足了一生！」

### 《如夢令》寺行

卍字欄杆法苑。一笑拈花解禪，寶殿木魚聲，曼惹陀羅心願。凝眇。凝眇。聖像莊嚴光煥。

### 《南鄉子》黑洞傳真

混沌縹難偵。無止空間自混疑。窺奧証原尋物外，幽冥，千萬光年探異形。玄秘現銀屏。數據歸真影像呈。室女座星遙罔極，生成。黑洞今存不世名。

張麗輝（遼寧沈陽市）詩二首 詞一闕

洛陽牡丹

都道王尊殊不知，堪回貶至洛陽時。當年執拗為爭氣，後世輝煌更鬥奇。  
豈怨方家花下死，休言吾輩月前癡。春暉恩重無相報，唯獻丹心富貴枝。

觀鴨綠江斷橋有思

鷗鷺低飛曉霧涼，江中鐵骨細端詳。家嚴弱冠彰奇志，彭帥雄師懲劣強。  
數炸數修君作古，幾征幾勝士還鄉。今思先父若遊此，共議忠魂佑盛昌。

《秋蕊香》中秋賞月

我在這邊遙盼。你在那邊偷看。今時最怕陰雲現。雲重恐難相見。  
仙兒移步姍姍慢。桂花獻。金風欲駕升雲畔。怎奈凡塵牽絆。

鮑仙友（浙江）詩三首

戊戌暮春山東乳山紀行

桃源何處適農耕，大乳山前可養生。坐擁樓臺觀海景，置身猶是入蓬瀛。

己亥南嵩岩詩會遇雨有作

嵩岩興會喜登臺，妙句如花筆底開。醉臥龍門詩韻裡，笑披紅雨賞寒梅。

己亥三月偕盧方財、黃青輝登太湖山尖有作

太湖野嶺把春探，移步登巔有我三。簇簇杜鵑紅勝火，遍燃山北與山南。

### 許青才（浙江）詩四首

賞花心向太湖尖（四首選二）

（其一）

醉美人間四月天，詩心飛向太湖巔。欣攜彩筆兜風去，爭畫漫山紅杜鵑。

（其二）

五月鵑花紅欲燃，尋芳欲向太湖巔。可憐幽徑盤千折，一路豪車堵上天。

詠杜鵑花

辭卻琳宮帝闕家，春風獨抱走天涯。芳心不負東君寵，朵朵枝頭香壓霞。

## 太湖仰天湖山莊

青山翠滴濕重檐，香影團團裁作簾。雨後小園生意好，詩聲熟透太湖尖。

## 李純良（廣東）詩三首

## 己亥年初三漫游英德市峰林新農莊

峰林仙境彩雲邊，水綠山青百草鮮。識趣軟風催客醉，臥聽蕭竹品龍泉。

## 戊戌國慶假日遊梅州豐順縣龍歸瀑

粵東第一瀑，奔躍若龍歸。雪浪漱奇石，飛流濡單衣。  
耳聞環佩墜，目眦玻璃微。心駐秋山醉，無能挽落暉。

## 參觀長春偽皇宮有感

二月長春雪濺濺，蕭條冷峻偽皇宮。東花園裡空枯樹，西客廳旁亂塞螞。  
日暮途窮思復辟，漢奸國賊夢成空。當年末帝今何在？黃土一杯酒一盅。

## 尹昭雲（美國賓州）詩二首

## 幽蘭

雲中白月照仙巒，玉苑含秋桂子殘。  
縞素青娥環佩冷，清宵寂寂淚痕丹。

觀吾佟娘子曼舞

金屏燈下泛明光，粉面瑤姬繫白裳。  
碧玉弦彈嬌鳳語，真珠裙舞紫霓香。  
仙眸睇客媚春月，酥手拋花滿佛堂。  
雅士拾芳題麗句，紅紗青字寄思長。

謝超林（洛杉磯）詩二首

夏思

陽開入夏明，樹木倍爭榮。  
細雨營花卉，和風盪綠坪。  
莊生蝴蝶夢，望帝杜鵑鳴。  
詠唱詩詞樂，舒心度晚晴。

瀑布

聽盡風兮又雨兮，蔥蘢草昧現涼淒。  
轟鳴瀑布如擂鼓，裂水天崩捲兩堤。

唐譚錄（廣東汕尾市）詩四首

詠老子並《道德經》

詭奇奧渺五千文，大義深藏太上君。名哲一時言不盡，人神千載界難分。佈經傳道開山祖，治國修身尊典墳。但見烟騰磬聲裏，青牛函谷駕祥雲。

有感林則徐流放

揮涕銜哀詠逐臣，禁煙千古一強人。飄鴻猶帶憂時淚，治水還撐負罪身。浩蕩虛懷誰可敵，奔騰熱血志難伸。更從離粵邊陲去，憔悴冤魂哭庶民。

有感學友癡研古玩

蒼斑古鼎巧雕螭，鳳翥蛟盤詭狀奇。常惜風塵損圓缺，獨憑慧眼識妍媸。布梭懸壁龍騰杳，陳跡沉沙夢幻移。莫使稀珍長化土，殘燈伏案鬢絲絲。

【注】龍騰梭，傳說陶潛少時打魚，網得一織布梭掛於壁，雷雨時自化為龍而去。

敬謁潮州韓文公祠

祠廟巍然百代雄，凝神肅立仰文公。左遷南國孤臣淚，雪擁藍關諫佛翁。肩任未忘驅惡鱷，宏章猶記挽頽風。祇今山水留韓姓，千里滄波嘆竭忠。

王孝峰（安徽桐城）詩四首詞一闕

問月

徬徬總角嫁誰家，舊徑空餘月影斜。  
記得兒時騎竹馬，青梅樹下捏泥娃。

重陽

西風昨夜草萋萋，又見黃花客路齊。  
對酒當歌秋已老，好將北海一壺提。

習律

韶歲庠堂煩萬卷，知非充棟覓騷風。  
眼紅腹笥徘徊久，園客桑田學放翁。

步凌寒亭

方氏名園五百年，栽蘭種竹自悠然。  
流觴溪下春秋影，曲水橋頭歲月弦。  
老硯痕深高閣上，蒼槐斑駁小城邊。  
蟄聲又綠青青草，燕語寒亭換彩天。



## 《永遇樂》隨筆

更漏蓮花，酴酥沉醉，鳳燭高照。接令樽前，叮嚀帳後，纖指朱弦繞。軟鶯弱柳，餘音破曉，盡退春寒料峭。那年中、香風羅袖，蝶兒舞蜂兒鬧。光陰似箭，紅顏飛逝，黯把韶華憑弔。燕子樓空，卿卿不在，怕對西廂眺。舊時芳閣，昔日水榭，遷上已無人笑。王孫恨、拋梭問月，至今可好？

## 江晟（安徽）詩三首

## 自題

年逾天命待歸鞍，東郭齊竽負杏壇。白髮早生斟酒易，青眸遠視讀書難。旁門插柳憂心拙，半路雕蟲笑腦殘。貴賤是非身外事，徐行健啖且三餐。

## 教外孫背唐詩

娘教英文我教詩，童稚咿呀意不知。郊外園中聞鳥語，直呼麻雀作黃鸝。

## 耳鳴

倚枕無聊默數更，耳邊長夜繞蟬鳴。愁心漸覺圓通偈，亂雨敲窗始不驚。

吳雁程（廣州市）詩四首

山寺剪桃花歸來得句

朝山訪佛家，討得武陵花。細插新春色，獨烹雲霧茶。  
玄都縈散想，白髮吟紅霞。難續陶公記，扶枝度歲華。

元宵遊山寺得句

雲中居古佛，谷口聽鳴泉。緣結菩提果，桃蕃己亥年。  
此間忘俗念，梵樂裊清煙。茶晃新春月，圓明說悟禪。

望春花

木蘭花蕾飽，鵲已唱梢頭。偶有南枝綻，早將春意謳。  
天寒星照轉，雪壓歲難留。舉筆祈開泰，蒼黎盼裕猷。

元宵寄遠

醉裡元宵憶泛舟，少年不解是何愁。夢回徵羽生明月，猶恐相思望海樓。  
鬢白益憐吳楚瘦，燈紅遙寄唱酬悠。江城簫鼓年年似，當惜青春作伴遊。

鄧壽康（廣東韶關市）詩四首詞一闕

除夕夜偶書

泰否輪流一笑之，溫壺老酒待新時。休云往昔多虛度，肯信前途有作為。  
人尚寬容能益壽，性存真摯好修辭。何愁白髮侵雙鬢，不老春光又上枝。

己亥新正月初二答諸友見寄

天涯青鳥感殷勤，曼妙瑤音樂耳聞。幸得多情能共我，安教閑眼亂浮雲。  
舒心但有春常許，遣興當憑酒半醺。大好時光休負了，枝頭紅綠正繽紛。

己亥新正谷日回故里醉書

兄弟爭邀意詎辭，圍爐把盞日遲遲。營營生計難相聚，款款親情每與隨。  
夜枕幾多鄉梓夢，童真最憶少年時。而今更惜家山酒，呼飲何妨一醉之。

己亥初五聞山人兄康復喜賦並次其韻

天際來鴻雅韻新，透簾香氣爽精神。梅心不負清風笛，喚醒蒼枝又度春。

《浣溪沙》己亥新正初四醉後得句

鎮日忙忙碌碌過，圍爐把盞樂歡多。醒來復醉又如何。  
況味無須常滯困，親情切莫亂消磨。連心血脈暖心窩。

葉翰江（廣東惠州）詩二首

賀《風雅香江香港詩詞學會吟唱藝術團成立首演》成功

風雅香江夜，荊場璀璨芳。騷人吟玉律，墨客著華章。  
問禮承鄒魯，儒商繼宋唐。繞樑音色美，瑤韻激情昂。

黃姚老橋

流水欄橋一片天，披風櫛雨不知年。騷人踱步長為詠，妙筆生花狀雋篇。

李明華（湖北）詩三首 詞一闕

獨山瞻仰李時珍雕像

獨山秋日上，只為拜先生。雕像同人仰，石階隨客行。  
有花馨草葉，無處聽蟬聲。回望天空闊，浮雲幾片輕。

### 重上李山村

今到李山望，湖中幾島浮。凌雲峰側起，載棹水平流。  
亭小能迎日，風輕在送秋。明朝憑過雁，紅葉下蘄州。

### 聖人堂弔天完皇帝徐壽輝

故址留碑風在過，天堂聚義泣當歌。我來憑弔斜曛裡，烏柏深秋紅葉多。

### 《滿江紅》偕網友游九資河紅葉風景區

勝地初來，深秋裡、金風還烈。堤上道、任車頻過，幾人在歇。徐鳳沖邊觀碧水，河西畝上誇紅葉。有艷陽、照十里農家，樓相接。青峰影，雲畔屹。烏柏樹，灘頭列。惹咱們踏到，掌燈時節。日下環游溪與嶺，夜間起看星和月。對天堂、攝遍九資河，傳新說。

【注】天堂：即天堂寨，九資河在其山腳下。

劉維斌（江蘇泗洪）詩三首 詞一闕

秋日陳河畔晨遊

薄霧朦朧竹徑幽，鷓鴣聲裡渚煙秋。河中亂浪銀鵝戲，楓葉飄紅曼舞柔。  
愜意徜徉攜友樂，舒心荏苒伴雲悠。漁翁網撒瑤池境，不必泛舟仙苑遊。

河濱漫步

遠山秋色重，雁唳擲聲雄。流韻垂蒼野，遙情辟碧空。  
楓親霜露醉，葉映浪濤紅。風景誰侵佔，河邊立釣翁。

再遊城南公園

小亭環水扁舟橫，彳亍高臺聽嘒鶯。垂柳長絲飄雅韻，木棉嫩蕊孕春情。  
觀蒲湖畔鱗遙逸，穿竹幽林蛩細鳴。咀嚼晴光甘味厚，一聲鶴唳碧雲平。

《西江月》濉河畔西郊公園漫步

曲徑迴廊靈巧，碧萍綠葦逍遙。悠嵐香靄逐風翱，水墨丹青精妙。  
未覺瑤池飄渺，只知仙境嬌嬈。老逢盛世樂陶陶，高挺駝腰遠眺。

袁江本（湖北石首）詩三首

悼熊鑒先生

詩星忽墜五羊城，南國騷壇失主盟。三昧猶存真氣概，五車總儲舊經營。  
牛棚夢斷祭文革，吟苑春來弄晚晴。墨尚馨香曾勵我，空憑一紙哭先生。

讀美國周榮先生《彼岸吟懷》集句

繞膝兒孫樂滿堂，花開富貴四時香。壯心不已騷壇客，豈論他鄉與故鄉。  
（首句第五十頁，二句第七十六頁，三句第一九七頁，末句第一一七頁）

賀李學桃先生桃源記續付梓

心有人民讚譽高，肩頭事事不辭勞。忠於職守獻才智，巧構佳篇展略韜。  
苦樂征程追夢想，光輝業績領風騷。詩文續集刊行日，椽筆生花膽氣豪。

高洋斌（陝西咸陽）詩三首

江渡

春風廟後桃花笑，秋景江濤柳葉潮。不見神州歸異客，峰回路轉又明朝。

## 殤夢

半卷旌旗遮淚曆，悲歌一曲滿天沙。長安白日今何在，鐵馬金戈舊夢賒。

### 獨歡

驛外橋邊幾斷唱，天涯海角域無疆。黃沙萬里埋湯鏢，赤子輪迴日月光。

## 余廷林（貴州畢節市）詩四首

### 和黃采軍兄《詠家鄉小杜鵑》（八首選四）

（一）

俗物能拋心自空，詩家襟抱總相同。杜鵑開處幽懷在，更喜鄉情勝此紅。

（二）

春申江上浪飛空，嫩柳柔柔兩地同。紫燕銜來桑梓夢，相思染透映山紅。

（三）

聚散悠悠思不空，十年心跡夢相同。吟秋山館詩風繼，滬上春花萬里紅。

（四）

繡虎雕龍才不空，高歌白雪欲君同。已移鄉夢天涯去，滿樹鵑花似火紅。



王善同（新疆烏魯木齊市）詩二首 詞二闕

新疆詩詞學會三十年作品選印刊行

滿帙東風穀雨天，一年眾望未如煙。煌煌心底情留寄，勃勃雲頭氣轉旋。  
三十春秋無限夢，半千俊傑有餘篇。冰山不必嚴冬久，雪化春霖待杜鵑。

故里歸來

去年六月上舷梯，攜父河南未歇蹄。方別天山雲碧落，遽臨荷澤故鴻泥。  
羹湯日日惟能淡，問答時時須快稽。雪在園中寒過往，行囊重整玉關西。

《滿庭芳》

罷賞梁園，汴京不駐，枉經洛水悠悠。長安過了，曲曲隴山收。方去黃河又遠，  
烏鞞嶺、入塞咽喉。關嘉峪，巍巍雲聳，西望磧沙頭。當年筦影冷，祁連凝雪，  
瀚海凝愁。算四十三年，老矣偏陬。此度東歸侍父，春秋歷、百日紅樓。星星峽，  
復穿門戶，生死也相謀。

《西江月》樹林小坐

光影三分斑駁，老槐五棵蔥蘢。滄桑容貌拱青篷，爾者相依相擁。  
北往南來散客，乘涼小憩當中。眼前喜鵲後清風，躺椅迷糊一夢。

李忠範（浙江）詩三首

回鄉掃墓前作

歸期愈近愈迷茫，瑣事人情兩不詳。  
唯恐面生疏稚子，須防路遠少行囊。  
經年誠謝親朋誼，墓地虔供父母香。  
來去匆匆無數日，恰如平貴出西涼。

立春

窗軒又映水仙花，靜對香英感歲華。  
四季勞金堪食粥，三年愁疾早辭茶。  
有心無力常憂國，失意窮年未襯家。  
舊憶煙雲隨夢逝，西山日暮盡殘霞。

歲杪有懷

舊曆隨鐘去，憂端向夜馳。  
盟邦多淡薄，生計更艱危。  
恃賴贏秦策，緘封百姓辭。  
他年思戊戌，恐是盛明時。

## 胡爭志（湖南岳陽市）詩五首

### 京行六首之一車停武漢

辭京向楚漸精神，及近長江便覺親。  
勒馬誇鞭憑武漢，雕蟲惜羽學文人。  
山銜落日收金鼓，水送高帆逐碧鱗。  
但為重逢眉帶笑，重逢又恐淚沾巾。

### 訪芙蓉樓

空濛煙雨濕中秋，古邑蕭然作獨遊。  
柳色氤氳先隔水，雲情繾綣慢登樓。  
當年送客人何處，值此尋蹤意未休。  
我有冰心誰解得，江河不語但悠悠。

### 南鄰（用杜甫原韻）

行看花前水氣氳，但儀烏角訪南鄰。  
野魚窺得池光淺，幽竹搖來雨色勻。  
知是樓台曾做舊，故將詩句寫維新。  
多情只有文章客，長對高風折此身。

### 餘生

心頭一念及卿卿，枕到深宵便不平。  
春色易耽迷蝶酒，夏蟲初弄透簾箏。  
經年慣作飄零客，抱繭能懷振翅情。  
夢縱蜃樓心亦篤，任他風雨貫餘生。

## 往事

白花搖曳浪崢嶸，雲外春山隔未清。  
忽恨當年澎湃水，至今猶作斷腸聲。

## 杜YY（臺灣）詩四首

## 游日月潭

細雨迷濛嫩似酥，半籠玄寺半籠湖。  
時聞梵唄隨波起，偶有人來僧不孤。

## 依易老師韻賀齊社結社

入社須攀千尺梯，登高奢望與賢齊。  
可憐未得生花筆，似錦詩牆抹一泥。

## 觀曇花

嬌羞半掩下妝台，只在更深片刻開。  
縱有餘香堪可憶，卻辜圓月費人猜。

## 油菜花

素妝淡淡莫相輕，勁放嚴冬自有情。  
一片芳心誰似我，桃園香動可傾城。

【注】台灣桃園

蘭  
嶼（新疆呼圖壁縣）詩五首詞一闕

維吾爾少女

眼瞼低垂半轉頭，暈紅雙頰古風柔。不勝霜冷些些在，尤貴飛霞兩點羞。

上雲橋

能借東風身欲輕，雲中不似世傷情。小樓橋上消塵慮，敢共詩心吼幾聲。

寒食雪

時近清明綠未煙，紛飛二月柳冰弦。山中向使冬無賴，又覆龍湫雪幾天。

夜重讀《岳陽樓記》朦朧入覺

夜攬巴陵勝狀來，依稀雲夢撫窗開。雨晴朝野天知否，吞吐瀟湘我識哉。  
黼黻登樓顯風雅，葛麻觀象覺心哀。岳陽留記明憂樂，盛世高眠不必才。

清明祭母

撮土焚香祭路長，東風代語到天堂。出門約上三祖母，聽戲邀同二大娘。  
哭後家情別艱窘，恨前年景累安康。紙錢幻化人間祝，思切攙扶作夢鄉。

《沁園春》新疆詩詞學會乙未端午詩會題詠

乙未端陽，塞外和風，首府雅音。又榴紅盛夏，神清律句，杯香韻腹，氣動靈襟。言語鏗鏘，聲情澎湃，白髮縈回舊夢侵。瀟湘似，頓有黃梅味，關右淋淋。千年還記行吟，悵江畔蕭寥暮色深。痛楚雲孤獨，傷懷踽踽，城門群惡，釣國沈沈。縱萬龍舟，爭排水上，難許書生一寸心。爭潮起，期可蒼黎願，世度金箴。

溫存凱（台灣新北市）詩三首 詞二闕

雁鴨公園賞鳥

凜冽風刀迫雁移，凌雲振翅忍霜欺。棲身荻岸低頭踱，駐足河瀕引頸窺。  
野犬猖狂如鬼吼，嬌鶯落魄令人悲。無情棄養毛孩子，此恨綿綿草木知。

賞菊花

采菊娟娟浮玉蕊，尋幽賞趣樂逍遙。聞名久已庭花燦，覲面今多雅士潮。  
萬朵芬芳蜂自採，千株艷麗蝶微飄。思懷靖節詩風起，曲徑歸來俗氣消。

## 白狐

妖妖狐兮柔媚眼，白紗披兮卧嶺東。巧笑眸兮天地醉，欲語汝兮癡癡瞳。  
乘雲濤兮舞衣袖，髮膚飄兮撩舒風。凌波飛兮渡千里，求月老兮盼緣同。  
泣鬼神兮胭脂淚，一笑緣兮人間逢。連理枝兮無日月，晨昏愛兮蜜情中。  
羨鴛鴦兮畫眉樂，鳴琴瑟兮住雲宮。忘歲月兮郎已老，倩倩女兮狐妖紅。  
依依戀兮魂魄盡，歸西方兮浮虛空。狐淚流兮不忍去，伴君靈兮飛蒼穹。  
萬里路兮彈指過，淚已乾兮心似烘。步步淚兮自刎頸，風木悲兮駕歸鴻。  
郎牽狐兮到極樂，有情緣兮有善終。

## 《聲聲慢》

愁眉深鎖，黯然塵封，憑欄夜雨心酸。寂寞深深如霧，久鬱添寒。風吹簾搖夢幻，影徘徊、魅影難安。望落葉、捲飛無歸路，莫看花殘。猶記含情脈脈，轉眼空、南飛歸雁孤單。缺月何時盈滿，黯夜無歡。凝日落紅散亂，逝痕悲、霧鎖沙灘。夢魂斷、獨吟情愁嘆，涕淚輕彈。

## 《魚游春水》

桐花飄雪裏。澗澗涓流游錦鯉。嶺南墨雁，迴盪幽苔碧水。躑躅如血畫相思，柳絮風狂情難止。凝望燭痕，繫心頭起。霞帔雕欄夢倚。妍傲牡丹花旖旎。孤媛庸嬾殘妝，癡眸淚洗。小山欲訴卻無語，猶記花前鴛鴦戲。牽腸掛肚，竹聲悲厲。

邱才揚（江西）詩四首 詞二闕

立夏（連日急雨）

遠岫濃雲隱翠微，小園花樹謝芳菲。  
當窗雨急天成暮，撲面風狂晝掩扉。  
加減人生常寞寞，炎涼世態總依依。  
春光已老春還再，往事紛紜可復歸。

贛粵詩友會

更出江西第幾程，車馳高速逐雲輕。  
春風引領詩生色，故地重游畫蘊情。  
金海灣前潮漲落，伶仃島上月陰晴。  
風光不似平常景，卻恨明朝又遠行。

登外伶仃島謁文天祥像

——贛粵兩地詩友外伶仃島聯誼採風，以文天祥《過伶仃洋》詩之平聲字拈韻，得「仃」字賦七律一首。

南國春風花氣馨，霽天瑤島隱蒼冥。  
穿雲快艇半彎月，戲浪輕鷗數點星。  
烽火崖門猶夢魘，汪洋萍跡憶伶仃。  
忠魂千古堪何寄，極目山河雨後青。

伶仃島

仙槎霧海馳，攬勝正堪宜。  
骨立峰含黛，神凝石蘊奇。  
流泉因久雨，望遠幾相思。  
千載空遺恨，伶仃幸有詩。



### 《鷓鴣天》山村

那片青天那抹雲，流溪照影四時春。嬌鶯啾啾啼新柳，小道逶迤繞古村。花灼灼，草茵茵。炊煙幾縷度晨昏。至今游子當年夢，惟有鄉愁未失真。

### 《西江月》

夢裡常凝笑靨，相思種在心頭。梧桐葉落月如鉤，沉醉無關宿酒。客外誰憐旅次，煩憂只是鄉愁。無言獨立佇南樓，極目雲山遠岫。

## 王靜文（河南新鄉市）詞三闕

### 《臨江仙》洛陽牡丹

焦骨除根不懼，名成國色天香。雍容華貴壓群芳。博心高麗質，又富麗堂皇。仙子凜然正氣，花王宛若高唐。吉祥尊貴世無雙。神州臨四月，鹿韭正梳妝。

### 《眼兒媚》宛城月季

諸葛廬前綠如茵。談笑定三分。鞠躬盡瘁，死而後已，返璞歸真。花中皇后春佔盡，四季慰遊人。宛城香浸，千年煙雨，月季為尊。

## 《畫堂春》槐花

馨香源自玉頭釵。槐花仙子登臺。萬千思緒實難排。蜂客臨齋。  
 捎去嚶噓私語，林間又拾青苔。芬芳羨得故人來。再訴情懷。

## 張允賓（山東青州市）詩一首 詞三闕

## 秋懷

秋暮天高木葉黃，楓紅草萎百花傷。歸巢小鳥啾聲遠，戀野孤身瘦體涼。  
 信履荒叢思舊事，沉懷故土憶滄桑。光陰荏苒春華老，兩袖淒風兩鬢霜。

## 《行香子》梅

千里冰封，飄雪紛紛，虬枝苞蕊吐顏新。假真難辨，縷縷香聞。乃葩中奇，奇中  
 異，異中珍。嬌嬌羞色，錚錚鐵骨，任天寒早報三春。臨摹吟詠，墨客騷人。  
 品趣之姿，清之韻，雅之魂。

《蘇幕遮》落葉

入秋林，輕履步。蕭瑟西風，凋葉紛飛舞。一去蜿蜒黃徑路，長影斜陽，繞樹登高處。又追思，憑往故。幾度榮枯，坎珂來時路。搖首奈何天日暮，磨蟻輪迴，頓把人生悟。

《江城子》浮生

史書多為俊才留，閱風流，待從頭。擒虎射狼、逆水苦行舟。淘盡黃沙金始見，人富貴，險中求。紅塵滾滾憶春秋，上層樓，遠凝眸。天際雲煙、浮起幾時休。何怎逍遙今問取，憑望裡，意難收。

樓曉峰（浙江遂昌縣）詩三首

春到茶鄉

放眼雲絨碧到天，聞香止步柘溪邊。田頭翡翠蒸青霧，崗上春衫濕野煙。

枇杷自語

籬邊勁菊筆生花，驛外寒梅墨染霞。我亦橫空開臘月，緣何不遇爾詩家？

## 碩鼠新編

窮奢極侈此王公，肆霸豪貪唱大風。頂上烏紗真猛獸，倉中碩鼠小雕蟲。

## 封麗珍（甘肅天水市）詩三首

## 古巷玉蘭花開

入夜深深一樹栽，素娥紛結下瑤臺。瓊姿綽約枝堆雪，雲袂參差玉映腮。  
影落軒窗初月冷，香生老巷惹人徊。秦州自古多詩雋，更著風流詠絮才。

## 詠杏花

東君開盛宴，仙子下瑤台。綽約嬌姿立，娉婷瓊朵裁。如霞妝陌野，似雪籠鄉垓。  
蜂蝶聞香至，詩人接踵來。群山因爾醉，渭岸以君魁。美女簪花戴，帥哥繞樹徊。  
拾句三千石，入箋一壑懷。新詞風裡曳，雅韻疊成堆。

## 幽蘭

僻壤窮鄉不屑盆，芳心孤傲守寒門。綽姿搖落山頭月，細雨輕滋碧玉魂。  
點墨揮毫詩覓處，暗香引路蝶留痕。淡然一笑紅塵遠，斜照清輝伴曉昏。

王姿涵（臺灣高雄市）詞二闕

《踏莎行》待春朝

深夜幽幽，雁書杳渺。寂寥總在情疏了。閣樓孤影待春朝，鳳凰枝上花開少。  
年歲難留，紅顏易老。階前落葉清風掃。無言凋落易心傷，一輪明月誰知曉。

《行香子》

泫露清新，荷葉離塵。東風漫漫捲波粼。輕盈蝴蝶，翩舞歡欣。雁翔無雲，天無際，廣無垠。浮生易過，悠閒難在，彷若桐花落繽紛。只憂風嘯，惟恐離群。悵望殘枝，留殘夢，憶殘痕。

韓桂雲（河南濮陽市）詩五首

黃山

毓秀鍾靈第一山，奇松怪石白雲環。瑤池瀉玉垂千尺，壯美芙蓉皖地間。

## 泰山

巍巍神韻冠塵寰，獨領風騷第一山。  
勝景雄姿多壯麗，封禪王帝禱安閑。

## 華山

一岳凌霄渭水邊，危崖萬仞蕩霞煙。  
雲梯絕壁攀危塹，登上高峰可入天。

## 恆山

雁門關外聳高峰，拔勢凌雲入九重。  
盤古橫軀邊塞上，梵音裊裊擁恆宗。

## 嵩山

一山雄峙臥中州，二室峰高雲上頭。  
石路丹梯過渡客，少林寺裡武功修。

## 徐中秋（浙江台州市）詩三首

## 西夏王陵

舌口如嚼五味湯。新詩難寫此彷徨。  
十齡便愛楊家將。萬里來參西夏王。  
今日華夷成合族。當時兄弟闕於牆。  
狼煙已作雲煙散。同飲黃河一水長。

葉卡捷琳娜宮及夏宮公園遊後

胡狄丹墀雪未融。長安天子醉花叢。輝煌華貴金鑾殿。精致豪華琥珀宮。  
朝政每塗鴉鳥黑。王冠總愛血腥紅。南皇北帝原無別。一樣權謀兩樣風。  
【注】葉宮內有當年法蘭西送給彼得大帝琥珀裝飾的宮殿。

茂利兄招飲

華燈萬點接星辰。邀飲芳樓感意真。相誠莫談天下事。頻添先醉座中人。  
老來滋味唯餘酒。淡卻風華難再春。明日錢塘侍孫去。嗟君又失自由身。

董惠龍（廣東茂名）詩六首

病中夕行

懨懨小院不思眠。病骨偷撐向野阡。未出門方三五日。塘中鋪滿綠荷錢。

穀雨

雨肥茶嫩小桃青。蛙鼓鵝聲鬥不停。節物向來南國早。綠荷塘裡舞蜻蜓。

## 鄉野即景

雨後芳蹊草色新。小河無浪碧粼粼。蛙聲初起秧苗嫩。白鷺飛來不避人。

## 殘荷

寒湖漠漠綠無多。瘦影經霜背未駝。不語原非傷逝水。深根蓄力待春波。

## 還鄉

臨行復又點行囊。深恐匆匆慮未詳。篋底無錢莫裝淚。唯將笑臉帶回鄉。

## 返鄉見父親遺像有作

歸來已是滿天星。屋內塵深蛛網橫。牆上慈顏猶帶笑。卻無噓暖問寒聲。

## 趙婷婷（英國）詩六首

## 花滿階

夙起燃薪引細柴。松煙點水酒新篩。書多日短秋初至。花謝花飛落滿階。



## 祈福

開軒點墨沐幽香。彩鳳來儀鶴列行。紫霧青煙雙闕隱。長城萬里映金光。  
 文成武略開天地。鐵驥狼煙鎮我疆。望古瞻今思後世。千年社稷永流長。

## 閒逸

洒墨撫弦琴。清虛以養心。繞樑招鳥雀。黛碧染松林。  
 洗馬賦風韻。龜年和雅音。襟寬氣量大。淡定府城深。

## 詩話

夙起開軒萬里晴。春來冬去恰飛櫻。敷文觀海參賢聖。博古通今誨白丁。  
 四庫開封籤軸滿。五車畢載簡紈盈。一杯醴酒美人笑。七步弗臨詩自成。

## 晨曦

霧隱煙霞雙闕簷。開軒灑水展疏簷。鶯啼鶴躍春花舞。瀑灑竹搖晨露霑。  
 醴酒慢斟玄沁硯。狼毫疾走墨飛釵。金輝疊映琉璃瓦。五彩重圍玳瑁簾。

櫻

三月陽春櫻滿天。白霜紅粉映霞煙。芬芳馥郁瀉千頃。繾綣纏綿撒萬川。  
輕點泉流穿玉瀑。疾梭雲霧戲紈鳶。楓橋夜泊又添酒。來日花香載滿船。

潘書文（陝西旬邑縣）詩一首

步紅妝老師韻《港珠澳大橋通車》

港澳珠連快捷行。空前偉舉世人驚。中華強國通天路。當賀宏橋感慨生。

嚴高東（江蘇沭陽縣）詩二首

桃花雨憶崔郎

潛夜雨敲窗。夢停幾斷腸。新雷滴粉淚。遙睇懶晨妝。  
時值桃花艷。期應公子驤。奴心屬君目。醜酒待崔郎。

雙梅贊

紅梅枝俏臘梅香。敢笑牡丹慵夢藏。不懼枯霜不懼雪。不希虛譽不希妝。  
百花未發春無趣。雙蕊先誠義有章。激醒東君早視事。富春揚子黑龍江。

楊長華（江蘇鹽城）詞三闕

水鄉秋韻（八選三）

（一）《漁家傲》秋夢

蒹葭淒淒霞色散。清閨寞寞離書案。暮靄沉沉思緒亂。情纏繞。憑欄愁眉望征雁。  
一夜西風吹夢遠。秋心飛入江南岸。似假似真如迷幻。深深歎。何時再賦雙雙燕。

（二）《漁家傲》中秋節後吟

月掛村頭花弄影。風吹桂菊香園徑。湖夜茫茫天寂靜。蟾輝冷。星星漁火窗前映。  
節後君收工地令。依依不舍離桑井。從此兩方心難定。懶對鏡。清宵寞寞思情更。

（三）《漁家傲》故里醉吟

遠眺長天雲影淡。近觀岸畔枯荷暗。堤外平湖波澹澹。帆點點。憑欄醉意秋光覽。  
故里今回生百感。青絲稀少霜華染。舊日同窗人有減。心黯黯。鄉情入酒添遺憾。

董九林（北京）詞五闕

《瑞鶴仙》端午感懷

牡丹飛院落。端午節，春去風染城郭。斜陽上畫角。炊煙裊，粽葉飄香驚鵲。離騷寂寞。汨羅江、浪濤可惡。有先賢指引，重上高山，一覽阡陌。把酒憑欄望遠，殘照當樓，短牆斑駁。池塘水濁。問去處，斷魂魄。嘆年來，輾轉流光凋逝，無暇筆墨斟酌。想千山萬壑。能有幾分似昨。

《念奴嬌》

登高望遠，看長風萬里，去留無意。我自悠然豪醉後，椰樹林中遊戲。華髮蒼頭，東籬把酒，桀驁芳菲棄。孤標高遠，淡然心路痕記。回首可笑多情，詩詞憔悴，問仄平難睡。半百沉浮人事去，誰伴西窗雲髻。大浪淘沙，風吹衣袖，總是揚帆起。倚欄長嘯，指尖飛墨誰洗。

## 《玉漏遲》清明

杏花飄滿徑，清明時節，涼風盈袖。燕子來時，依舊故人相守。柳樹新芽纏繞，勝景在、卷雲飛走。空自瘦，銀河隔斷，不堪杯酒。 傍晚閑坐長廊，嘆往事如風，耳邊輕叩。笑語歡歌，歷歷夢中才有。就算登高遙望，看不到、淚沾襟透。沉醉後，忘卻已然回首。

## 《風入松》無題

春風又綠北山牆，依舊疏狂。桃花杏雨斜陽裡，共殘紅、飛入長廊。窗外一帘幽夢，階前全是清香。 小河無水自淒涼，百轉回腸。淡雲聽取當年事，到如今、幾處珍藏。半曲陳詞閑唱，月光灑滿蘭堂。

## 《朝中措》

落花隨水也倉惶，無語剩淒涼。柳絮滿天飛舞，東風冷暖猖狂。 抬頭樹上，依稀疏影，還有清香。擬把殘枝入夢，換來風月文章。

姚憲民（陝西三原縣）詩二首

與國家足球隊共勉

沙場百戰總蒙羞，輿論洶洶落怨尤。  
勇士怎甘居榜後，何人不思佔鰲頭。  
臥薪嘗膽雄心苦，破釜沉舟壯志遒。  
莫道神州無俊彥，摘金奪冠寫春秋。

金婚紀慶

結縭五秩慶金婚，四世同堂丹桂根。  
翁媪古稀開喜宴，女兒不惑奉犀樽。  
頻繁大獎降鴻運，次第春風入福門。  
盛世夕陽無限好，相濡以沫秀黃昏。

梅紅（洛杉磯）詩四首

殘荷

碧綠曾經漫水塘，娉婷結子縷衣黃。  
無言以對風霜早，幸有紅蜓伴夕陽。

紅梅

橫枝疏影越西牆，一樹梅花隔院香。  
縱是懸崖猶存節，何須諂媚逐春光？

## 小雨

一夜紛飛細若愁，燈花掠影盞中浮。  
瑤台隔雨相望冷，願借清風洗濁眸。

## 秋思

西風來去概無聲，猶記楓紅伴月明。  
往事消融秋漸老，長留一葉載溫情。

## 李偉（陝西西安）詩五首

## 暮春

行盡江南晚客舟，桃花夾岸柳花羞。  
惱人最是黃昏雨，空落吳山萬點愁。

## 回鄉偶書

歸心又誤遠山中，客倦尤消昨夜風。  
一笛夢驚初覺起，此身已過洛陽東。

## 長安秋思

雲生渭水漸天涼，冷染江楓近晚香。  
菡萏擎霜猶帶綠，朱嬴披露正流黃。  
風吹梧葉蕭蕭影，雨打芭蕉淡淡妝。  
殘鬢不堪秋意老，南山雁已過衡陽。

【注】朱嬴，菊的別名。

## 秋日寄懷

寒雲愁暮晚風高，霜冷南天秋雁翱。  
猶怨沉浮身似絮，但悲寥落命如毫。  
今宵客飲一壺酒，明日君行萬里濤。  
長恨此生彈指過，安能羞老作蓬蒿。

## 離鄉感懷

鏡底春秋夢裏鄉，殘星又落曉樓霜。  
風搖梅影青衫瘦，雪占梨雲白髮傷。  
臘酒徒愁江路遠，寒簫猶怨雁聲茫。  
燈闌不掃階前月，照得離人別緒長。

## 陳麗華（臺灣新北市）詩六首

## 閒思

不愛流行不競奢，任隨世態老煙霞。  
平生性癖難酬答，晚歲時乖更嫉邪。  
白髮高歌天際月，清吟留醉岸邊花。  
雲山眺望何曾定，但遣詩情寫物華。

## 夏雨即事

扣窗浙瀝灑輕埃，落葉紛紛掩綠苔。  
不見雲山情寂寞，但聞風韻意徘徊。  
人疑病減牽愁少，我覺涼生引興來。  
何故沈吟羈思苦？所嗟水漲復奔雷。



## 登樓望遠

野興從來少，西山日望多。登樓無限思，憶昔幾堪歌。  
目極雲難繫，心傷酒易配。天公還作怪，降雨打新荷。

## 臨帖

一窗晴旭小山明，點墨研朱多少情。不是題詩寬老病，祇應度曲寄新聲。  
笑言人事今無改，酬唱風流尚可驚。愧我臨池吟未穩，狂揮秃筆也難成。

## 柳陰獨釣

蟬吟密柳暗藏舟，十里江風接遠洲。獨釣晴波何適意，閒看雪浪總忘憂。  
樹頭有蔭常遮日，水底無魚可上鉤。幾度垂竿驚白鳥，一番擾擾復悠悠。

## 夏蹤

畫景堪逃暑，遊程理趣兼。荷香人易醉，竹韻筆難拈。  
澗冷生秋意，溪深滌夏炎。塵機消已盡，旅夢思偏添。

倪進明（安徽蕪湖）詩三首

江南水鄉

黛瓦灰牆映水流，虹橋古道唱漁舟。  
秋楓染醉江南岸，鴨陣歸來笑鷺鷗。

西施

浪吻蕭山月戀紗，靈岩秀水是兒家。  
姑蘇舊夢終期盡，諸暨新仇應有涯。  
遂意夫差橫奪愛，傷情少伯恨成痂。  
丹心一片連吳越，譽美千秋絕代花。

詠黃河

九曲騰龍浪洗沙，虞朝至夏立中華。  
安民治水稱賢禹，濟世擎天有女媧。  
陶寺城垣連萬國，磁山粟米養千家。  
扶搖直上鯤鵬展，帶路銜來紫瑞花。

李同振（河北）詩二首

石博會

美石迢迢進石門，南來北往聚繽紛。  
幾多慧眼迷層次，若許名家論內因。  
色彩斑斑通世界，條紋道道展乾坤。  
精靈填海應難忍，媧氏補天更抖神。

## 老年大學

銀鬚霜髮入學堂，花鏡殘燈作業忙。  
 潑墨舉毫詩畫展，操琴起舞樂姿揚。  
 文憑不惹黃梁夢，獎狀難招紅眼光。  
 感嘆故朋日漸少，喜歡新友摯情長。

## 華慧娟（廣東）詩五首

## 登掛榜閣

雲嶂磴階伸，煙林鳥作鄰。  
 清芬流嶺表，落日映湖濱。  
 塵海懸帆久，歸途返棹珍。  
 蒼茫人世險，淡定自為仁。

## 秋遊赤嶺村

千疊詩心偷化棹，來翻稻海一月馨。  
 鶯鳴蛙鼓遙相和，恁把詩聲貫耳聽。

## 雪梅

抱樸何須論短長，但憑絕色立天蒼。  
 謙謙獨與松來去，雲鶴時邀共抵霜。

## 己亥開年吟

旭開疊巘霧收中，冉冉紅光漫嶺東。  
鳥報春神剛入列，桃張嫩萼已飛虹。  
臥聽花語聊新序，哦嘆年輪碾昊空。  
但得摛文消塊壘，何須擇道上崆峒？

【注】崆峒，中華道教第一山。

## 重九登高書懷

雁聲迢遞又重陽，磴道生煙遍菊黃。  
杖履身輕迂峻峭，閱山石峭感滄桑。  
駒光已逝偷朝氣，秋葉橫陳挾晚霜。  
恪守心聲清塊壘，群峰頂上任思翔。

## 戚克明（瀋陽市）詞二闕

## 《鷓鴣天》盛京滿繡

藏在深閨人未知，拈針引線出珍奇。  
盤龍起鳳松間鶴，短樹長袍滿式衣。  
纖指動，案圖移。雙雙巧手畫新琪。  
都言麗錦江南好，滿繡今朝入世遺。  
注：滿族刺繡，已被世界非物質文化遺產收入名錄。

## 《鷓鴣天》

問字黃昏志未休，吟唐誦宋做詩囚。  
嘔心瀝血抒心血，老眼圓睜同唱酬。  
觀二雅，喜心頭。騷人不斷續春秋。  
風花雪月傳薪火，琴瑟和音天際流。

熊石望（湖南岳陽縣）詩五首

小園感懷

（一）

假日提鋤壟上行，施肥鬆土喚流鶯。腰酸不覺初陽戲，蔓短苗青任縱橫。

（二）

青葵綠韭雁來紅，園小無籬一徑通。但得閑心方寸裡，任他晴雨任他風。

春末偕岸芷汀蘭文學社諸友訪港口村

（一）

眾友相期港口臨，樓前道側綠簾深。風遙不解遊人醉，猶自牽衣喚柳禽。

（二）

讀罷田園讀靚莊，吟眸未歇興偏長。殷勤不忍匆匆去，一路鶯啼入夢鄉。

暮春

紫燕低飛雀噪空，陰雲嘯聚遠山濛。莫因香淡無情致，八面瀟瀟翠綠中。

## 汪海峰（甘肅）詩六首

## 新雨

雲聚峰巒萬馬翔，龍鬚躍動掃蒼黃。  
雷奔電閃豪情健，草晃花搖任性妝。  
舒展山川長畫卷，朗吟天地大文章。  
迎風飛夢隨煙雨，遠望霓虹越漢唐。

## 春夜聽雨

私語稀疏漸次稠，細評枝葉漫山丘。  
天無偏頗同滋潤，人有初心共綠洲。  
今夜農夫皆踴躍，明朝萬物更風流。  
桃花笑罷胭脂淚，卻看橫吹小放牛。

## 悼盆中海棠

花開兩度可堪傷，幽夢回窗悼海棠。  
夜有微香分皓月，晨無翠袖共詞章。  
應憐空谷多春色，顧嘆紅塵少雅芳。  
嗟怨離魂逃逝水，浮生寂寞怎商量。

## 山行

乍入深山少故人，疏雞淡犬頓時親。  
晚雲懶懶橫天際，白日遲遲照水濱。  
雁過晴空聲有韻，泉來幽壑碧無塵。  
敢將十載紛紜事，換取三年自在身。

## 雷公峽

何日雷公豪飲後，橫飛巨斧斷青山。崖垂古木人難越，峰入新雲鳥可還。  
霜冷千年寒碧月，風清四季暖溪灣。喧囂遠去心思靜，偷享浮生半晌閑。

## 雪

揉紈搓素滿天揚，鬧市空山兩渺茫。裹舊妝新圓大夢，存真去偽憶洪荒。  
尋梅但願人前靜，訪友唯求酒後狂。滾滾紅塵連夜寂，千年冷月一窗霜。

## 鄭建安（廣東深圳市）詞一闕

## 《沁園春》杍蜜小鎮

——湖北崇陽鄉村振興示範

懷有仁恩，好夢成真，尚禾倩妝。覽一山幽境，三花奇艷，兩園野趣，四季風光。河水潺流，木宮林立，漫步寬身促健康。新時代，續鎮安民善，鳥聚苗香。誠歡賓客營方，蔥翠繞、環峰巒柳塘。喜清馨吸氣，溫泉潤體，果蔬嘉味，娛樂名揚。紅色豐碑，綠環發展，示範村莊如海棠。齊聲贊，此旅遊佳景，度假之鄉。

韋雲岑（廣東深圳市）詞四闕

《鷓鴣天》懷人

半晌憑欄笑我癡，望穿雲底雁歸遲。風吹砌下寒枝老，月照樓頭瘦影淒。  
音書杳，奈何之？燈前夜夜酒常醺。滿懷落寞無人解，一枕相思僅夢知。

《少年遊》暮春

風中雙燕翦殘春，垂柳舞輕塵。園中香淡，林間烟冷，微雨黯傷神。  
教花畱春花不語，幽怨向誰申？一樹飛紅，幾聲啼鳥，愁煞倚欄人。

《采桑子》燕語

緣何不上高樓去？怕見飛紅。烟鎖簾櫳，影隻形單愁正濃。  
呢喃軟語堂前燕：莫為春慵。且恁從容，與我嬉遊細雨中。

《八聲甘州》灕江沙洲夜宴

漸黃昏落日迫西山，柳外亂鴉飛。把青峰點綴，平林沾染，吐盡餘輝。休嘆年華逝水，今者尙能追。踏過長橋路，篝火三堆。竹影被風吹亂，伴沙鷗寂寂，星燭微微。縱蘭亭已矣，君且莫生悲。看席間、奔雷劍舞，放狂歌、拍手盞頻推。鴻蒙醉、渾然忘卻，我是誰誰。



卓臨江（廣東汕尾市）詞一闕

《鷓鴣天》遊西湖

鵲踏枝頭報晚春，春濃時節喜逢君。  
西湖吟詠東坡韻，勝跡穿行異地人。  
龍井水，碧溪雲。蘇堤遍見錦襦裙。  
三潭印月生光景，柳浪聞鶯樂岸濱。

汪選輝（湖北襄陽市）詩四首

清明朝晨

一夜風吹落葉長，朝晨醒夢雨飄塘。  
枝頭小鳥淒聲厲，仰望陰雲透背涼。

端午憶屈子

靈均痛淚國心殤，忠骨寒江飲恨長。  
我輩今朝誠摯祭，離騷天問九章揚。

襄陽龍舟賽

昔日悠悠漢水柔，今朝急鼓賽龍舟。  
飛船蕩起千重浪，一逐清波競碧流。

## 襄陽市詩詞學會年會留韻

一年逝去又如煙，再聚寒梅放蕊天。  
柳絮飄飄山滿玉，清波滾滾水盈川。  
鹿門寺頌劉光武，蘇嶺詩吟孟浩然。  
舊韻書中凝舊夢，新年景裡寫新篇。

## 戴曉翠（安徽合肥市）詩三首 詞二闕

## 初秋感懷

一自當年賦採薇，別來有夢著春衣。  
稻花香裡如能飯，莫問羈心歸不歸。

## 春之桃樹

溫風發綠苔，萬樹繡成堆。  
陌上春深入，江南雨細裁。  
某年停馬去，三月看花開。  
只恐桃源過，芳心久不回。

## 端午祭屈原

端陽遍插艾淅淅，菖葉空余劍氣侵。  
抱恨難平飛亂雨，拂風何寂亘天心。  
人間讀楚思猶遠，汨水懷沙望太深。  
霧鎖混茫奔海去，怒濤狂捲幾沉吟。

## 《蝴蝶兒》詠蝴蝶

疏竹籬，點桃溪。杏花開盡豆花稀，一欄曉夢緋。  
穿過香風軟，輕盈舞彩衣。聞聲三五小兒追，向春深處飛。

## 《定風波》孔城老街懷古

翹角飛檐挂夕陽。斜暉聚散鏤花窗。十甲歷穿風與雨，頻顧，繁華落盡幾滄桑。  
月色如銀沙似雪，車轍，歸帆千載影還長。巷口循聲來久駐，誰語，桐鄉書院小兒郎。

## 謝宗翰（臺灣臺南市）詩四首

## 夏吟八首選四

## 其一

蒼天若曉麓荒蕪，一雨千絲迸萬株。霽後群流盈北谷，山南白霧逼澄湖。  
蜂攷百味蓮花借，蝶汲芳香荷葉扶。我學飛蟲尋最愛，今宵席地啖清沽。

## 其二

傳來鐘鼓欲晨齋，村寺昏眸還暝霾。破曉晴光粼老樹，浮煙宿露濕僧鞋。  
花知水下魚幽抱，鵲喜池邊柳密排。折葉當舟由渡口，湘波一蕩到秦淮。

## 其三

一池狂墨欲揮文，蛺蝶來噉葉上芬。  
瀑落澄淵朝石瀨，風回靜水起波紋。  
欹舟待曉能招客，獨雁逢時再入群。  
要是炎飈無赭傘，須求嶰谷送氤氳。

## 其四

柳上飛鴻是鳳鵠？今晨獨自訪幽園。  
雙瞳皎潔朝山寺，瑣尾婆娑度水軒。  
夢失閑階禽別野，愁生細雨霧攀垣。  
花啣霽色蟬鳴葉，一桌清觴把夜喧。

## 胡爾泰（臺灣臺北市）詩五首

## 安琪拉賞花

百合輕搖孟夏風，金針秀出玉玲瓏。  
繽紛花海尋常事，纔有佳人便不同。

## 梧棲春會詩呈道友

昨宵方拜烘爐地，今日重臨海甸邊。  
春雨已添疇畝綠，玄風復振道心堅。  
牲粢鮮果供瑤母，鹿酒珍饈慰地仙。  
義結金蘭終不悔，法門深邃待吾宣。

## 秘魯卡哈馬卡瀑布

細流如帶掛山峰，飛瀑銀妝神女逢。水去水來皆幻影，幾時山色顯真容。

## 過北勢溪

遠山滴翠雨瀟瀟，濠上觀魚過小橋。溪水淙淙晚來急，兩三夜鷺待中宵。

## 冬雲

寂寂江天樹，皚皚冬日雲。芒花搖瀚海，巒嶂湧波紋。  
夕照蒸霞蔚，霜華送鴿群。須臾蒼狗沒，世變亦紛紛。

## 鄧壽康（廣東韶關市）詞二闕

## 《踏莎行》南湖即景

霞染平湖，峰融夕照。粼粼水色煙波妙。幾聲漁唱晚舟橫，夭桃三兩花偏鬧。  
坐看閑雲，徐寬俗抱。層巒拱秀連芳草。臨風俯仰寸心舒，林泉靜處鳴歸鳥。

## 《西江月》江嵐

滿目風霾彌漫，一江嵐氣橫流。雨絲煙鎖渡洲頭，安可行情負手。  
幻若蓬萊惟妙，沉如俗事難休。人間不卻者虛浮。世象誰真看透。

李春華（紐約）詩五首

畫荷自題（八首選三）

洛神凌波圖

飄搖綠韻夏池中，雨浴輕塵翠映紅。疑是洛神凌碧水，任由倩影沐馨風。

荷池夏色

莫問何時綠韻裁，芙蓉掩面葉旁開。臨風映日瑤池碧，應是佳人情影來。

出水江妃

出水芙蓉散異香，江妃逸韻伴流長。癡心不負今朝雨，一洗凡塵賞淡妝。

白描課徒畫稿《鐵骨臨風》

銀鈎鐵劃若輕功，吳帶當風各異同。鋒穎研磨融骨法，白描妙處在精通？

題白描梅花《嘯傲風霜》

寒梅抖擻出心中，汲古探源自不同。待我沉吟搖妙筆，任由紙面蕩春風！

羅達權（美國加州）詩三首

天涯情歌

（一）

小樓畫閣箇中玄，一曲陽關短笛宣。百尺柔腸千寸斷，萬般無奈更纏綿。

（二）

幾回將就兩遲眠，承諾全無碎夢延。倘若他朝還見面，問君能否對依然？

（三）

有期相約說難全，何地何時再續緣？但願來年添閨月，兩回銀漢及身前。

蔡秋勝（廣東）詩四首

弔屈子

端午夜沉沉，三閭遺恨深。鴟梟翱玉宇，鸞鳳困林檎。  
哀郢泣忠血，懷沙酬素心。沅湘滔蕩去，我輩復登臨。

## 人日立春

立春風物新，淑氣滿鄉晨。  
楊柳初抽色，梅花早問津。  
縷金傳古俗，剪彩稟先人。  
華勝盈盈贈，情思借酒陳。

## 冬至

時序交冬至，陰陽自此遷。  
寒梅初綻蕊，新柳欲舒鬢。  
阡陌舟車絕，廟堂簫鼓傳。  
婦孺皆載酒，安可負流年？

## 元日

暗香浮動竟何時，應節復陽皆有期。  
軒外嵐光春影瘦，柳邊水色曉風颺。  
層樓幾處傳金縷，小寨漫天飛玉篴。  
對酒豈須堯舜日，湖山兼覆自雍熙。

## 蔡穎標（廣東）詩三首

## 茅草花

遙遙綠間雪，郁郁野中生。  
性僻春風棄，身微秋露傾。  
潛修出孤潔，冷落守精誠。  
但得頭顱好，何須浮世名。



立春前日見瘠土處金盞銀盤傲立怒放為賦  
卑微生僻地，車馬可曾來。難有暗香譽，非無疏影材。  
俗人多不識，高士未垂哀。風雨辛酸處，沖寒獨獨開。

無題

年少曾經思一鳴，遭逢始信畫難成。披書半榻心無味，對壁孤燈影有情。  
酒漬春衫瘦生計，夢沾煙雨濕分明。羲和幾次車鞭失，不使六龍趨道行。

林雪兒（廣東）詩二首 詞二闕

山寺聽雨

檐角泠泠低自吟，弦弦撥動最初音。襟塵一剎從心淨，殊勝原來不外尋。

無題

一箋小字寄浮沉，不住霜風鬢上侵。塵夢悠悠緣萬種，疏花倩聽有閑心。

《點絳脣》梨花

休道伶俜，風絲裊繞情方切。幽香雲纈，落落增芳潔。  
玉也為容，清思彌空闊。春初潑，依依拂拂，滿院吹蒼雪。

《菩薩蠻》

金鈴斷續如松語，清風萬疊輕輕與。鴻雪總尋常，初心竟未央。  
流光凝半卷，琴月憑千轉。花外一蟬留，孤懷古石樓。

肖松（廣東）詩三首 詞一闕

江磯早眺（三首選二）

漫逐東江若許秋，煙波寄跡影悠悠。征帆豈道東風直，一覺歸來攬鏡浮。  
(二)

又道春風古渡頭，年年芳草故人眸。何期浣女空磯畔，遠去砧聲只夢悠。

謁朝雲墓（三首選一）

秋風瑟瑟已無詩，秋水縈懷舊夢遲。一榻沉疴傷玉影，漫山落葉哭紅脂。

《一翦梅》東江却寄

槩息雙江泊短篷，十里堤煙，幾度春風。波含碧影柳纖穠，漫對山光，閑展雙瞳。歲月悠悠鬢角鬆，只識光陰，輕改華容。此情長寄夢懷中，時把清樽，獨遣殘紅。

羅保東（廣東）詩一首詞二闕

重游西湖

長堤細柳倍清新，曲院芙蓉不染塵。塔聳雷峰千竹掩，湖通花港萬魚巡。欣攜老伴尋幽境，更約詩朋賞晚春。故地重臨今勝昔，來年期待是閑身。

《鷓鴣天》己亥賀歲

大地春回萬物妍，蝶穿燕剪舞翩跹。張燈結彩家家樂，獻曲傾杯歲歲圓。辭舊景，慶華年。金豬送福到人間。且聽爆竹聲聲起，共接新元第一天。

《鷓鴣天》賀汕尾詩社成立

喜訊傳來興不休，群賢薈萃寫春秋。詩堪言志吟千古，社有知音寄一舟。情切切，韻悠悠。雄篇佳句逐風流。亦揮拙筆題心語，共築文壇拓遠謀。

## 黃果麗（廣東）詩五首

### 向日葵

繽紛一抹黃，山野吐芬芳，無畏風和雨，抬頭總向陽。

### 步黃垂塔老師生辰自壽韻

滿園桃李好收成，卅載耕耘志未更。教學翻開新視野，詩詞展露好才情。  
壽添松竹南山茂，氣壯星辰東海明。不倦誨人堪景仰，雄心依舊上征程。

### 初夏攜母親、姑媽遊碣石

山不在高頗顯靈，粵東古鎮久聞名。玄山寺下焚香味，碣石灣邊踏浪聲。  
叩首許來新願望，開懷釋放好心情。風光秀美親人健，知足感恩步履輕。

### 中年感懷

負重前行還上坡，風中雨裡盡操磨。三餐需把公婆敬，整日還將兒女拖。  
事業繁忙勤打拼，人情複雜巧張羅。中年敢問啥滋味？苦辣酸甜一首歌。

## 賀恩師聽雨舟生辰

樓台近水遇吾師，子曰學而時習之。兩耳不聞庸俗事，一心只寫聖賢詩。  
文章儒雅集成冊，桃李芬芳綴滿枝。君子無憂仁者壽，燭光月影兩相宜。

【注】《論語》：「司馬牛問君子。子曰：君子不憂不懼。」

## 林雪卿（廣東）詩二首 詞二闕

## 中秋夜放許願燈

雨洗天澄澈，撥雲淡淡風。秋情融畫筆，昵語寄燈籠。  
月白繁星隱，心寬雜緒空。願於今夜後，前景似花紅。

## 賀汕尾詩社成立

熠熠輝光賽赤烏，坵壇今日耀明珠。緣來效得宋唐句，夢自當圓海陸區。  
莫畏書山無碩果，敢將椽筆繪藍圖。吟旌從此隨風獵，蓬勃詩情躍白駒。

## 《漢宮春》

閑適時光，自砌爐生火，茶盞繚煙。簫琴雅調總為，知者吹彈。香枝細葉，趁嘉期、婀娜窗前。堪此際、絲絲薄雨，悄聲飛落花間。忍對芳叢含淚，倩清風拂去，漉跡斑斑。清風可當會意，把夢輕傳。情深雨季，若如緣、一傘齊肩。雙影寄、江南長陌，徜徉於杏花天。

## 《滿庭芳》汕尾詩社與汕頭杏園詩社春季聯袂采風

楊柳多情，河溪吟曲，蝶兒拼展花衣。東風盈抱，蘭杜正相宜。喜那嬌鶯寄信，遣芳意、恰已嘉期。樂乎矣，遠方有客，結袂探韶暉。流連誰得似，園中彩畫，畫裡蛾眉。笑談裡，時光忘了騰移。自古消愁是酒，都輸這、一席芳菲。酣游罷，沾香幾許，和墨釀成詩。

## 黃小雨（廣東）詞三闕

## 《臨江仙》居汕尾二十年有感

夢墜汪洋沽第幾，窮生苦也追尋。一年忽覺已秋深。惜知疏草敗，誰續廣陵琴？談笑爭如駒過隙，今兒半剩寒襟。偷花借月助詩音。拭他中夜淚，耽我不眠吟。

《臨江仙》休漁海邊偶見

獨步涼風欄石倚，平橋接水斜通。家家漁蛋暮霞封。數舟橫浦上，一鳥入雲中。  
海闊何妨休漁事，桺聲還破蒼穹。魚蝦上市酒香濃。阿兒歡沐雨，阿女笑牽風。

《賣花聲》題芭蕉少女圖

綠網透喃呢，紅影依稀。帶香一紙引雲梯。接我橋頭呼暖玉，眼也迷離。  
趁著好春光，解了顰眉。佯裝水袖舞參差。莫問何人知賞識，有個男兒。

蔡春梅（廣東）詩五首 詞一闕

師友雅聚以「人生得意須盡歡，莫使金樽空對月」分韻，  
余拈得「歡」字

似鳥出籠天頓寬，高山流水與同歡。心無利索名纏縛，骨似梅魂竹韻攢。  
偶效蘭亭三五聚，頻投青眼百回看。明朝若問身何去，一葉扁舟一釣竿。

歲末遣懷

日歷新翻年復年，軒窗眉月照無眠。苦無良策肥生計，惟有豪情厚雅箋。  
已具梅心霜雪性，何期塵俗鏡花緣？憑欄細顧來時路，萬刃驚波帆亦懸。

## 籌備汕尾詩社第一次社員大會感懷

助櫓方知掌舵辛，試帆三載渡千人。詩因忙碌今冬瘦，履為奔波鎮日塵。  
喜得同舟多意氣，大開巾幗長精神。天南自此究平仄，一幟迎風遍地春。

## 酬楊翁並次韻

楊翁高誼可擎蒼，萬里舟車約舉觴。皎皎月兒今夜暖，青青桂子滿庭芳。  
久思故土霜侵鬢，半失鄉音夢有樯。為壯華文耕異域，掀開繡口續詩囊。

## 五坡嶺謁文天祥像

未曾投筆淚沾裳，自古孤忠傍夕陽。正氣何須垂史冊，丹心無奈入文章。  
五坡嶺上春花艷，方飯亭前烈女殤。憐爾殘軀橫鎖鏈，啼鴉泣血幾迴腸。

## 《蝶戀花》生辰有懷

自擬寒梅生穀雨。風雨相欺，幸有憐花主。冷袖吟風邀月舞，寡歡贏得清魂駐。  
終向南天成玉樹。未改初心，直教群芳妒。石刻三生當報汝，暗香一路為君吐。



陳金如（廣東）詩四首

惜春

尋芳常恐遲，綠滿去年枝。鶉泣花飛處，春歸客不知。

江南水鄉

拂面曉風輕，曦光照眼明。人家都傍水，花樹不知名。  
帆影隨雲斷，漁歌和籟清。砧聲何處起，引我故園情。

聽雨

敲窗簌簌伴風來，淺唱低吟幾度回。未必賞音須水畔，會心之處即琴台。

金絲楠木雕刻

古木何時蒼一堂，引人遐想到洪荒。蘊涵歲月無窮意，雕琢風神別樣妝。  
豈必無心矜玉影，信知有客動柔腸。巧工會得雲煙夢，精品紛呈在蜀鄉。

張互宇（臺灣南投市）詩六首

讀離騷有感

端陽紀節展騷經，憑弔忠魂涕淚零。哀郢悲心昭白日，懷沙正氣塞蒼冥。  
 澧蘭幽寄三閭恨，沅芷長留一卷馨。愛國情真天地動，滔滔濁世仰徽型。

菩提心

平等慈悲誓願宗，勤修善道妄心封。圓融究竟三摩地，普濟眾生躋佛蹤。

婚紗攝影

緣定三生福，影留一代嬌。聯翩珍繾綣，共舞樂逍遙。  
 攜手深情款，凝眸熱愛撩。婚紗鴻爪映，喜宴賀聲飄。

養生之道

氣旺身心暢，神怡歲月綿。肌強盈活力，腿健注靈泉。  
 營養平衡控，休閒適當聯。待人涵雅量，逸樂似神仙。

人低為王

善舉貫初衷，謙卑樹德洪。行藏盈智慧，南面拂皇風。

益損之間

學勤基愈固，道進慾偏輕。妄盡無為顯，純真本性明。

### 丘勝明（香港）詩六首 詞一闕

感事四章選二

其一

莫道雙眸霧障遮，亦曾激賞滿天霞。金雞啼破春秋夢，苦雨摧殘富貴花。  
雖有歪詩千百首，何如善果二三車。難期事事隨人意，但願平安度歲華。

其二

故友光臨倒履迎，忘形同醉酒杯傾。當年未竟青雲志，此刻仍懷赤子情。  
互約南山觀曙色，相期北海聽潮聲。拋開世俗煩心事，笑傲江湖健步行。

## 退休有寄

七十星霜繞夢塵，驚聞暮鼓急抽身。  
紅顏已褪思春樹，白髮頻添怯壽辰。  
少壯無珍曦色美，老殘莫負晚晴新。  
敲詩縱筆清風伴，寄跡湖山效浪人。

## 懷遠

江天如洗獨登樓，碧水丹山眼底收。  
北雁南飛懷遠客，西風東漫蕩高秋。  
相思欲解人千里，寂寞偏逢月一鉤。  
彩蝶雙雙撩妒意，期君早日覓歸舟。

## 秋思

暮煙斜照漫江樓，蝶繞疏籬草木愁。  
雲捲長天飛絮漾，舟橫碧水落英浮。  
無常風雨催殘夏，有限韶華入素秋。  
回首人生多變幻，心旌搖曳夢悠悠。

## 鄉居

稀齡已屆夕陽斜，築室幽居近祖家。  
故友常臨溫舊夢，新鄰紛至品香茶。  
窗明几淨雲生硯，籟寂更闌月浸紗。  
詩酒伴隨心自愜，秋光滿眼泛紅霞。

《沁園春》次韻林峰老會長

望斷雲天，問訊征鴻，此去何方？感茫茫世路，雄關險隘，蕭蕭故壘，驟雨驕陽。目睹香城，身經華夏，盡是爭名逐利場。流年度，計浮生得失，斗尺難量。長居鬧市還鄉，嘆舊友、容殊鬢染霜。憶當年困頓，同耕陌野，今宵放縱，共醉壺觴。南浦潮平，北陲林茂，愜意寬心任熱涼。春歸去，正黃昏歲月，夢在柴桑。

銀開源（甘肅）詩六首

閑雲野鶴

歲月匆匆萬事空，桑榆斜照水流東。閑雲野鶴催人老，研墨挑燈寫晚風。

立秋

細雨霏霏連兩季，黃昏向曉花垂淚。秋來夏去暑難消，坐看芳菲怎個悴。

人前最怕論功名

人前最怕論功名，事業無成枉自生。眼看流年欺白鬢，神憊體病懶慵爭！

搖舟挽月賞煙紗

一湖碧水半湖花，柳繞沙堤沐晚霞。縷縷幽香吹不去，搖舟挽月賞煙紗。

秋菊

枝黃一樹秋，霜白滿天愁。莫道西風烈，籬邊菊蕊悠。

秋歌

天涼好個秋，草木醉金丘。笑看飄飛葉，征鴻任去留。

李述（吉林）詩二首 詞一闕

瞻仰解方將軍塑像

杜鵑花染紫雲生，仰望豐碑感莫名。滿腹經綸終報國，一身肝膽已傾城。  
魂歸故里硝煙遠，夢佑鄉間大象明。但使銅駝能永駐，何人不念此高情。

游白龍池

一入龍湖韻也悠，青山疊影浣清流。船行畫裡人心靜，峰聳雲中鳥語柔。  
幾洞仙翁歌古調，誰家玉女振新喉。蓮光若此真堪駐，不結禪緣不轉頭。

## 《卜算子》杜鵑花

玉女蓋頭紅，信是春規染。看取新人嫵媚姿，懶把柔情綰。  
過眼是浮雲，兩打花容亂。但見年年榮又枯，搖首還生嘆。

## 汪維仁（江西修水縣）詩四首

## 夜游洞庭湖

扁舟蕩漾白雲邊，恍若乘流上九天。吟友傾情邀月飲，滿湖秋水夜無煙。

## 修江抱子石

望夫抱子幾滄桑，獨立山隈歲月長。化石依然情脈脈，生苔還是淚汪汪。  
修江逝水難消恨，幕阜流雲欲斷腸。守節忠貞人景仰，千秋傳頌美名揚。

## 躁口村花門樓

山重水複白雲連，九曲煙溪隱藕田。梁姓村人耕日月，花門樓宇育英賢。  
千秋作息林泉畔，一令遷移集鎮邊。故里風光常入夢，東床臥榻枕書眠。

## 讚農家書屋

几淨窗明映彩霞，鄉村書屋靚農家。  
黃鶯宛轉啼佳樹，紫燕呢喃剪碧紗。  
暖日融融迎老嫗，餘輝脈脈送嬌娃。  
溫馨雅室人陶醉，翰墨盈身氣自華。

## 王晉恆（馬來西亞）詩一首 詞二闕

## 木槿花開

趁得良辰把夢栽，東風有信自將來。  
浮雲失道成塵散，灼灼新華向日開。

後記：木槿為馬來西亞國花。今見其盛開於庭院，恰得馬國國會解散消息。大選將即，作此詩，一語雙關，寄望賢者當政，國運日隆。

## 《鷓鴣天》

履跡留香小徑幽，漫歌且舞月華流。  
惟吁旅雁有時去，更嘆韶光無計留。  
驟雨霽，暮雲收，念君情至總登樓。  
通宵紅燭欄杆淚，只待相逢方始休。

## 《攤破浣溪沙》

雨起風斜落艷花，愁隨寒意透窗紗。  
陌上無人自寥落，繞昏鴉。  
此景此情應共有，倚樓騁目念鄉家。  
迢遞歸途山復水，過雲涯。



## 張樞明（瑞士）詩四首

## 開業十年記

十年非夢亦如夢，一路無驚還自驚。只為稻梁聊打理，欲成事業費經營。醫人效果眼前判，治學文章身後評。屈指未來餘幾秩，祖鞭懸櫪警雞鳴。

## 消暑山行

蟬喧靜樹碧參差，避暑游山覓小詩。水比人情同曲折，花如事業異榮衰。穿林有道先行辟，題石無名古隱遺。梵宇峰巔紅半角，不由仰首立多時。

## 詠白蓮

胭脂不染素朝天，淨襪凌波好自然。蟾月孕苞銀點點，魚風綻蕾玉芊芊。一池艷雪三清界，千座華台八福田。何事猶牽情未了，冷香如縷結詩緣。

## 重陽

霜葉餘情矜血色，秋陽加意炫霞峰。老年節本登高日，爭奈新來愛看松。

白良英（山東青島市）詞二闕

《浣溪沙》冬雪

疑是楊花結伴開，江天一色白皚皚，青山未老髮先衰。  
漠漠雲陰收又散，颼颼風勁去還來，殘冬未盡苦徘徊。

《清平樂》秋

霜寒秋晚，分寸光陰短。柳岸蕭條河水淺，欲覓小詩卻懶。工蜂一世空忙，燭明和淚心傷。解釋春風遺憾，天知時令無常。

鄭杰（江蘇淮安市）詩五首詞一闕

觀鷗

崩浪散輕鷗，閉身快遠遊。翰飛可銜口，直向海雲留。

## 山居閑吟

惆悵生涯漫所思，薰風獨坐正相宜。門前勁竹修仙骨，嶺上蒼鬆厭俗姿。  
 艷蕊偶巡飛粉蝶，深林常見語黃鸝。孤雲飄逸成閑趣，半卷狂吟足自怡。  
 新綠連天開畫障，殘紅數點綴樊籬。多情世味幾杯酒，過眼功名一局棋。  
 莫是遙程藏曲折，尤其好夢破參差。春花辭樹有來日，翠發沾霜無少時。  
 樂事從容應淡淡，塵襟坦蕩更遲遲。烹茶置座推窗去，放入青山共論詩。

## 登華山主峰落雁峰

直削危岩萬丈高，千山匍匐沸雲濤。未曾修煉乾元上，仙府今來走一遭。

## 世相

好雨花繁百色春，夢中零落痛猶新。人云空語難如犬，犬著鮮衣不是人。  
 四序月娥圓復缺，一生浮世假還真。經時點檢蒙天幸，未負冰心身外身。

## 窺鏡

振衣對面鏡中窺，沈鬱斯人又是誰？一個何為心事重，至今兩兩未開眉。

《行香子》初冬遣懷

落木零凋，寒水清寥。望池中鴉陣遐漂。蘭橈索寞，荷蓋蕭條。正竹風瑟，清風少，北風招。平生難料，無為堪笑，嘆年來尚自蓬飄。有無塊壘，旨酒還澆。惜本心亂，痴心苦，客心焦。

溫鎮蓬（廣東）詩五首

廣州降溫

斜風帶雨最難纏，凍住蚊蟲卻好眠。何日直奔零度下？梅花盼雪已千年！

遊東莞塘尾古村

停駕泊村東，城樓入望雄。清泉深井月，弱柳淺塘風。  
蟹踞人猶健，蟬鳴荔正紅。百年祠與塾，禮義在其中。

【注】蟹踞：塘尾村地形為「蟹地」。

國慶秋山行

長假任逍遙，尋仙探寂寥。屏聲窺石洞，躡步過藤橋。  
澗竹塵氛淨，山泉俗慮消。斜暉不留客，空自羨耕樵。

孫政（遼寧沈陽市）詩二首

高中畢業三十週年聚會感賦

早年負笈五坡游，卅載相逢鬢已秋。笑貌依稀長閉眼，仕途通暢少浮頭。  
平生風雨詩為伴，一夜笙歌酒破愁。明月有情還約我，十年之後再登樓。

己亥立春

一入羊城三十年，春風秋雨自怡然。竹園未習登龍術，茅舍常溫勵志篇。  
宜向上蒼祈寡欲，不跟朋輩比多錢。餘生幸得湖山住，可看前庭可望天。

驚蟄

驚雷呼喚春，細雨洗浮塵。興會和風起，飄搖柳色新。

納福

福字送吉祥，墨濃深意藏。蒼生祈夙願，盛世享安康。  
人類千秋粹，文明百代芳。相逢憑造化，是處展春光。

龐志榮（洛杉磯）詩二首 詞二闕

荷塘月色

幽塘抱月清輝艷，倒影漣漪泛鏡天。  
蟬噪密叢求愛侶，蛙投急浪動青蓮。  
良宵恬靜歸人意，麗景諧龢頌斗躔。  
桂魄光柔融字墨，芙蓉香醉入詩箋。

分別

星聚雲開擁月圓，征前促膝話明天。  
慈顏藹對期程遠，暖手相牽囑語虔。  
回首塵途無貢獻，羞容孝道感熬煎。  
分離何奈歡愉短，痛失時臨此恨綿。

《西江月》

綠水青天煙柳，花紅叢翠篁幽。  
春池岸景醉人留，濕地園游偕友。  
榕樹鬚長枝茂，淨途曲徑閒休，  
誰言無事易招愁，斷戒貪杯病酒！

《滿宮花》道別歌

熱天煩，值夜半。暮月當空庭院。  
飛蛾頻擾路燈光，臨別梓鄉愁滿。  
學友緣，相聚短。海角天涯難見。  
一壺清酒盡餘歡，惟電遙酬思眷。

王建明  
(新疆) 詩五首

長江詠

大野奔雷勢未休，龍騰東逝不回頭。  
長風擊棹群峰過，遠夢空浮一脈流。  
帝子灑情寒水路，霸王喋血笑蠻酋。  
千帆競渡新潮捲，興復驚濤蕩九州。

題鄭和下西洋

千帆勁駛闖西洋，浪逐天涯百尺檣。  
大國雄風穿海陸，中華瑰夢染丹陽。  
播傳絲路文明盛，咸若歐非偉績彰。  
煌赫碩功垂史冊，復興諸夏引新航。

編鐘詠

銀鈴玉磬寶編鐘，天籟輝音意象豐。  
楚韻荊歌千載妙，隨州山水染霓彤。

詠老子

函谷初宮隱聖賢，精倫辭賦宇穹淵。  
知言哲理殊經辟，治國安邦道自然。

立夏

雨落柳絲微，風柔綠正肥。  
枝搖蜂吻朵，蕊綻蝶來飛。  
芍藥凝煙醉，梧桐碧色揮。  
仙葩呈錦彩，馥溢沁心扉。

游士傑（臺灣臺東縣）詞二闕

《添聲楊柳枝》 戊戌清明連假遊東海岸

海曲青蒼漾素輝。潏溟瀾。山岑蔥翠疊崔嵬。凌雲姿。  
楸陌餡包香滿室。駢肩立。夕嵐初掛旅魂迷。雁飛回。

《好女兒》 途經花東玉長公路所見

晴日灑斑斕。雲靄半開顏。平望青田千頃，牛犢意閒閒。  
忽轉隱人煙。向深處、嶮壑巒岈。小車穿穴，蜿蜒翠麓，海闊澄瀾。

林東霖（臺灣南投縣）詩七首

秋夜雨停，病後有所思

秋蟲鳴雨後，幽意到庭除。夜戶涼風入，燈窗清影疏。  
興闌惟坐久，身在有吟餘。病起閒心境，還耽一榻書。



### 山居秋宵聽雨

寂夜燈前顧影斜，秋懷獨對小窗紗。山齋聽雨聲如訴，明日開門看落花。

### 秋夜

幽蟄雲山裡，吟懷屬晚晴。清齋殘雨氣，靜夜入蟲聲。  
漠漠疏人意，離離澹物情。何能秋興發，值此小閒生。

### 晚秋乍見彩蝶墜亡道中

蝶死道途誰肯問，秋深悵見一何哀。風前憐爾身留影，山外忍知雲作堆。  
歸路即看吟處盡，生涯原是夢中來。還疑彩翼分霞色，晚氣初寒向暮催。

### 十月十六夜望月

今夕倚窗頻望月，獨憐高調與誰論。方知露氣侵簾冷，便覺蛩聲入夜繁。  
一片清光分樹色，幾多寒碧透煙痕。山空人靜吟情發，孤興每來林影昏。

### 山居雨後

林籟今俱寂，隔窗還自看。已聞人事變，況值雨聲寒。  
髮是愁中減，心從夢裡寬。晚來嗟對景，霧重失峰巒。

## 冬夜行經梅邊山徑

幽棲兼老志，晚步過鄰籬。倦鳥啼相望，窮冬詠所思。  
山中梅影動，林下月光移。應許來芳意，曉寒看一枝。

## 楊小源（瀋陽市）詩一首詞二闕

## 應邀回母校講詩詞

新樓新址更新人，唯有校名餘舊痕。在憶夢中逢老友，稱名何處覓師尊。  
秋風茅屋兒時讀，春雨星峰半紀魂。白髮學兄呼學弟，詩詞異代亦同門。

## 《一翦梅》月夜觀海

鷗燕歸巢浪不驚，雙月爭明，星斗晶瑩。不知漁火哪邊行，槳也無聲，風也無聲。  
大象悠悠不具形，一片柔情，無限深情。包容萬物夢輕盈，母也安寧，子也安寧。

## 《一翦梅》題無名氏攝《濕地飛鳥》照

水域深情賴寫真，意也溫馨，景也清新。一行飛鳥若輕雲。洛水之神，濕地之魂。  
難得辛勞攝影人，守望清晨，抓拍黃昏。蘆花絮語寄新春，今日佳賓，明日居民。

李鳳英（瀋陽市）詩三首

登鞍山千山

飛纜一乘飄欲仙，悠然便在白雲間。風光最是迷人處，碧浪滔滔千朵蓮。

十一京華遊

金秋時節駕長風，飽覽京畿勝跡雄。滾滾運河南北貫，巍巍險塞古今崇。明陵地下深如許，清殿軸中圍幾重。新廈連雲觀不盡，烏巢崛起正興隆。

遊十三陵水庫

蟒漢山間大水汪，游船迎客往來忙。長篙輕點煙波戲，新茗頻斟嵐霧香。步入皇陵心震撼，暢游水庫意綿長。奠基黃土深深在，五十年來壩更強。

饒麗萍（四川）詩五首

十三陵

紫氣十三天壽環，風清水澈育陵山。帝王數代總成古，黃土一坯春色殷。

## 聖水寺

古柏幽泉暮色茫，朱甍青瓦石橋涼。幼時記得毗鄰處，縷縷佛聲縈耳長。

## 石林

黑瑩光滑石林叢，形貌天然賦獨容。數億年前深海礪，今人不與古時逢。

## 古鎮

今春古鎮約重游，此地風情別處樓。長記老街煙雨樹，濛濛水道弄溪流。

## 鰲山

玉皇北起說鰲山，天上馱來草木環。不為濃雲遮蔽日，而思掌裡綠絨頑。

## 劉桂芬（遼寧）詩一首

## 學詩自勉

時光流轉過雙寒，歲月無痕年復年。筆墨丹青尋妙境，晨昏雨雪釀佳篇。  
韶華雖逝豪情在，老嫗何愁遲暮牽。冬去春來生萬物，詩苗破土更斑斕。

吳俊男（臺灣彰化縣）詩四首

憶台北故居四首並序

余曾卜居台北市老公寓，乃曩昔北一女教師宿舍，外牆斑駁，紅磚雖老，別具古味。九重葛自地攀至三樓，長年皆花，紅綠交錯，美不勝收。

頗有三徑之樂也，賦詩以記之。

其一

九重葛葉掩雞窗，稍隔紅塵車馬塵。  
錯落花光映長案，輕盈蝶影舞微釭。  
魏碑臨練難神得，勁句推敲欲鼎扛。  
大隱鴟城心尚古，偏憐雅事厭時腔。

其二

落地窗前竹影橫，隨風搖曳妙姿生。  
猗猗枝葉招晴日，炳炳琅玕勝豔英。  
高節真堪群士比，虛心能納百川傾。  
午間臥看得佳趣，一任塵囂闖北城。

其三

楓紅漸落已深秋，庭桂清香漫月樓。  
豈逐潮流歌鄭衛？常耽詩句慕曹劉。  
涼宵搦管走棉紙，陋室披書銜茗甌。  
材譴難逢長者轍，何妨網路作賡酬？

其四

朔風凜凜襲三臺，忽放牆邊一樹梅。  
喜剪瑤枝移斗室，漫由香氣佐新醅。  
夜深京輦街猶鬧，心靜縑緗藻更瑰。  
且藉奇詩出寰宇，塵中歲月莫相催。

## 萬尚珍（瀋陽市）詩一首

## 詠菊

時臨霜降百花傷，唯有金英獨傲霜。  
瓣放千姿愉目色，蕊含一縷沁心香。  
東籬採擷悠然樂，盈袖西風繾綣藏。  
氣若幽蘭神韻美，高山流水一生緣。

## 王華（瀋陽市）詞一闕

## 《采桑子》秋日登高

秋來攜酒登高地，衣袂風牽。採菊崖邊。目送飛鴻雲際穿。  
尋詩更把芳樽滿，不問人間。醉眼江天。霜葉燃紅萬里山。

## 劉榮義（瀋陽市）詩一首

## 惜時

揮霍時光悔必來，寸陰是競慎安排。  
須知壽命長歸短，日日增添日日裁。

羅英健（瀋陽市）詞一闕

《醉花陰》落花

裊裊香魂何處去。問花花不語。身腐化紅泥，馨氣輕徐，似唱芳菲曲。  
與卿共醉斜陽裏。再把來生許。夢裡一相逢，滿腹情思，化作傾盆雨。

惠風（瀋陽市）詩一首

丁酉十五賞月

斗轉星移各按班，百年一遇轉眸間。時臨桂殿披紅錦，又見嬋娟畫粉顏。  
杳杳青天深莫測，昭昭玉面近能攀。嫦娥想是思鄉裡，擺駕辭宮欲返還。

翟紅本（河南）詩二首詞一闕

洪湖市江灘公園

風推雪浪壯吟哦，萬里千年一首歌。自有沿江花解語，托於鶯唱掌聲多。

## 訪青梅之鄉

雪湧平川四面岡，蝶蜂亂舞認春光。溯源知是榕螺暖，逐水分於草木香。  
村外鶯聲銜畫本，樓頭日線織詩廊。繽紛直把農家夢，化作甘甜採入筐。

【注】陸河縣是「中國青梅之鄉」。榕螺，陸河縣是榕江和螺河水系發源地。

## 《沁園春》涼州新詞

南望祁連，北起漠煙，西去咽喉。想將軍飲馬，大旗漫捲，輿圖縱筆，寶地終收。  
楊柳琵琶，春風羌笛，幾許豪吟幾許憂。來尋跡，看黃河浩蕩，襟外奔流。今朝  
更展宏猷，藉絲路、諸行再上樓。喜雲蒸霞蔚，正搏鳳翼，工興農旺，頻點龍眸。  
逐夢為民，超唐越漢，驚了千年月一鉤。欣然賦，醉藍天都市，綠浪田疇。

## 張瑞次（北加州）詩二首

## 母親吟

育女生兒委婉多，含辛茹苦到身駝。滿頭斑白誠尊貴，一臉秋霜若玉珂。

## 夏夜

皓月輪圓掛半空，銀河聚鵲盼橋虹。輕盈步履遊花徑，綽約身姿舞夕中。  
萬籟爭聲歡夜朗，一臺闊論重情隆。枝頭簇荔甜香溢，幾處雄雞喚曉工。



陳佳聲  
(臺灣) 詩二首

梅

老梅枝幹倚牆斜，朵朵新苞分外嘉。與雪爭春雖遜白，暗香已入逋仙家。

春日書懷

時序欣逢己亥春，花紅柳綠正迷人。且先拋卻風塵事，遊目舒懷共此辰。

謝四海  
(臺灣) 詩一首

春日書懷步韻陳佳聲校長原玉

藝術能萌一片春，詩書畫印盡超人。佳聲屢創傳薪火，今日騁懷共美辰。

江春冠  
(洛杉磯) 詩二首

春日書懷敬和陳佳聲校長

久雨初晴時序春，熙陽燦爛共幽人。吟詩作畫心如醉，遙寄雲天接暮晨。

## 蘭花

自來修葉出巖中，幽雅清芳君子風。蕭艾那堪相作比，窈然脫俗韻無窮。

## 譚宗義（紐約）詩四首

## 清明雜詠

每到清明暗自驚，人生終極易哀鳴。北邙丘墓犁平地，漢水豐碑對古城。  
回里上墳懷聖德，使臣祭祀記恩情。千年風俗成傳統，遙向雲天拜祖塋。

## 緬懷粵劇泰斗薛覺先

學貫中西冠藝盟，過人功力震群英。清宮哀怨珍妃淚，蝴蝶纏綿異國情。  
鼎革梨園留典範，栽培後進立家聲。台風獨步成追憶，一代宗師萬世名。  
註：薛覺先為香港聖保羅書院高材生，深受西方文化薰陶。據塘西舊侶所撰「馬紅評傳」，薛伶亦工於「老爺戲」，三零年代不時演出「困土山」、「華容道」。林家聲為其晚年得意弟子。

## 秋日情懷

窗外秋林野色揚，蟀聲處處覺蒼涼。殘山賸水漁樵恨，燕市悲歌俠客狂。  
鐵馬散關成絕唱，新亭痛泣永留傷。少年去國嗟無奈，回首前塵尚恐惶。

## 魁北克懷古

歐陸風情魁北呈，楓紅絢麗映名城。昔年艱苦開荒淚，今日繁華歡樂聲。  
 故壘仍存征戰跡，校場遙想閱兵營。前塵往事煙雲過，目睹餘痕感慨生。  
 註：維多利亞女王巡幸魁北克省。曾在首府渥太華大閱兵。

## 程燕（紐約）詩三首

## 辭歲有作

辭歲親朋同半酣，迎新陳釀味猶甘。煙花萬道騰空亮，感慨千般入寐難。  
 情寄南灣鄉曲渺，歌飄北美客思耽。幻中催馬凌雲去，擁得詩香贈雪蘭。

## 守歲有作

倚窗遠眺山河白，掛念親朋夢裡歸。除夕傳書情切切，新春賀句意奇奇。  
 人生耕作三分地，詩海遨遊筆一支。雙手持香虔許願，祈能順達樂心怡。

## 春到平洲

東風輕送雨，春艷綴平洲。鵲唱籬欄上，桃開曲澗頭。  
 虹飛喧鬧景，綠萼吐嬌柔。喜看標兵賽，拋秧似舞綢。

吳行（紐約）詩二首詞一闕

紐約市史泰登島植物園內有蘇州式園林寄興園

白牆黑瓦配紅欄，小築林間自靜安。壁角欣承花襯托，簷牙傲破樹遮攔。  
迴廊曲徑悠閒走，斗室盆池仔細看。此地有園堪寄興，遊人驚艷樂盤桓。

蝴蝶蘭

養在瓷盆亮畫堂，窗前但見舞霓裳。平平展翅形傳粉，栩栩投身狀竊香。  
雪貌雍容尤典雅，冰姿麗質自端莊。一枝昂首開連月，屋舍滋榮引興長。

《畫堂春》紐約寄興園令華友解鄉愁，洋人知雅意

滿園植物好尋芳，徑回轉入仙鄉。燕梁鴛瓦自軒昂，脫俗幽篁。  
粉壁染紅杏映，碧池泛白梅妝。詩情畫意溢明堂，琴韻悠揚。

張其全（山東青島市）詩二首

國慶七秩感賦（二章）

其一（中華新韻）

浴血贏來赤縣天，幾多風雨自巋然。  
興邦旌旆中樞舉，施政斧柯華夏懸。  
外引內聯增實力，風生水起惠黎元。  
陣中博弈看全局，百載藍圖景更妍！

其二

金烏彩浪賀神州，華誕欣逢七十秋。  
築夢何妨雲路遠，揚帆豈懼雨風稠。  
銀簫玉笛歌新政，鐵板紅牙頌大猷。  
我與軍民同駐守，心隨藍水競風流！

姜美玲（吉林）詩五首

霜花

生就清高不喜陽，肌膚如雪勝甘棠。  
欲爭天命入花冊，拼卻身消也未芳。

## 新年感懷

舊曆翻除始見新，年年驛路度風塵。離愁幾許春惆悵，空對紅顏老病身。

## 題哈爾濱雪中聖索菲亞大教堂

故地泠然作獨游，風光難掩昔時愁。多情最是瀟瀟雪，片刻相思已白頭。

## 春風

徐徐和暖未芳華，肅肅已催楊柳芽。使命要將春信遞，何時處處是桃花。

## 無題

風卷殘花逐院前，每於長夜獨難眠。想來已是春歸寂，忍教相思何處傳。

## 趙家海（浙江）詩二首

## 過桃園

溪山雨後鳥爭鳴，幾處桃紅夠任情？引得群魚來一睹，美人照鏡自分明。

## 登方山喜遇流雲

乘閑歲末方岩越，喜駕流雲過險川。我是無名一吟客，何須四海去尋仙。

## 沈建造（廣東）詞三闕

## 《鷓鴣天》三峽雄風

白帝煙雲萬古風，青山翠色蔚蔥蘢。瞿塘凶險驚濤秀，峽谷雄奇濁浪空。  
追往事，憶英雄，托孤勝景傲蒼穹。夔門疊浪殘霞湧，日照長江碧水紅。

## 《踏莎行》瞿塘峽

白帝城樓，登高望遠，夔門鼎峙驚濤現。悠悠往事越千年，東坡詩韻何時見？  
青史難忘，托孤憶遍，永安戰鼓心旌顫。蒼崖擊水浪中天，煙霞絢麗桃花面。

## 《青玉案》橋溪古村落

青山疊翠迷人處。古村落、花千樹。醉美風光誰共數？鳥鳴荷葉，燕翔煙雨。  
留待君相訴。小橋流水頻相顧。棧道悠游蝶飛舞。借問閑情何處駐？一溪鶯語，  
一泉甘露。都付芳菲吐。

劉智浩（四川成都市）詩三首

遣懷

著意叮嚀認此篇。翻驚蟻夢兩纏綿。望中拊石屬嘉日，歌底破瓜尤妙年。  
 哀莫哀時知我似，避無避處竟誰先。綺懷已共心灰燼，空結相思去後緣。

贈冷泉兄

馳道春林行看盡，消磨髀肉自然哀。留書詎作功名想，遷客寧知貧賤來。  
 屈子有身歸楚地，鄒生無路哭梁埃。霜空蓬轉催風急，我亦難為愧爾才。

昆社四月社課

盡看平蕪一例荒，前因後事恐難詳。含悲顧影衫須減，伏枕聽風夜不長。  
 事罷天教憐宋玉，紅銷人合泣王嬙。別來已膩蛾眉字，重幕深愁遠佩璫。

劉光軍（河北）詩三首 詞二闕

感秋

暑去花不敗，風清似國清。軒開金桂老，雲過玉輪明。  
 早晚添寒意，詩詞助暖情。征鴻懷遠寄，落葉動秋聲。



## 感賦

莫憐豆蔻逐流琴，事有希夷舊淚侵。  
白首捧吟不為晚，赤身涉水乃知深。  
偶隨騷客尋怡興，還傍村夫侍畜禽。  
短語長歌依日落，但憑杯酒擴胸襟。

## 立夏次韻林老

陰陽交替悶雷生，節至炎更赤熾擎。  
陌上麥黃千戶比，柳邊水碧一舟橫。  
鳴蟬初起鳴無調，賦客長吟賦有聲。  
四季輪循焉可止，人間盡是未央情。

## 《鷓鴣天》詠內黃大棗

欲向農家求一嗜，內黃大棗世無雙。  
杯中秋月三分醉，筆下金風十里香。  
拋煩惱，淡淡涼，朱丹伴我酒千觴。  
興餘折轉來時路，不枉人間走一場。

## 《浪淘沙令》鬧元宵

場院鬧喧囂。鑼鼓高蹺。拉花龍舞湧人潮。  
誰管時移天月暗，興致猶高。  
樹掛彩燈搖，綠柳霞燒。煙花誰送上雲霄。  
轉過宮燈爭射虎，餘興難消。

賀永粹（甘肅白銀市）詩四首

游寬溝堡

城下新塵壓舊埃，寬溝往事任君猜。可憐雜草叢生處，車馬曾經迤邐來。

游永泰古城絕句二首

其一

樓頭落日照殘烽，山水蒼茫掩舊蹤。四百年來風雨蝕，初心不改守邊衝。

其二

城上浮雲變古今，江山永泰可安心。烽台十里應猶在，盛世無煙任雨侵。

登松山遇雲霧

祁連一脈自西來，旖旎青山畫卷開。十里松兵排八陣，九天霧帳罩蒼苔。且沿草徑漫登頂，輕扯莎藤懶拂埃。抓把流雲穿作履，好乘雅興上瑤台。

梅力生（新澤西）詩四首

題李本良攝影師傑作二首

（一）布萊斯峽谷國家公園

丹霞地貌起城樓，無限風光一覽收。更喜千黃圍萬綠，園林曲徑可探幽。

（二）聖海倫斯火山一景

晨曦掩映火山丘，冰雪初溶曲水流。遠望層岩如凍土，頑強小樹幾春秋。

乘電瓶車遊平遙古城

平遙城古民居古，大小車行都少堵。穿巷過街似鳥飛，霎時走遍家千戶。

觀山西大同九龍壁

九龍石壁可稱王，傲視君雄據一方。五百年前留舊韻，至今如昨現堂皇。

陳善良（紐約）詩四首

清明感懷三首

一  
每感清明訴寸衷，天涯拜祭各西東。生前無奈千山阻，身後依然隔萬重。  
茹苦育孤勤典範，含辛教子德尊崇。慈恩未報親安在，遺恨綿綿蘊五中。

二  
傷別慈親十五年，幾多往事注心間。酸甜苦辣常回味，笑貌音容總掛牽。  
母念兒遊千里外，兒思母隔九重天。何堪淚眼長相憶，夢斷三更夜未闌。

三  
陵園肅穆氣森森，節屆清明百感侵。異國長眠留舊夢，他鄉客老築新墳。  
點香上供虔誠祭，叩首當懷祖德深。冥紙翻飛如蝶舞，壽山忍見斷腸人。

詠武夷岩茶

本是瑤台種，瓊枝落俗尖。高岩承玉露，嫩葉沐甘霖。  
泡製精工藝，觀嚐動客心。聞香人已醉，細品更生津。

王永連（紐約）詩三首

清明

棲遲海外已忘年，節屆清明念祖先。一炷心香燃五內，慎終追遠禮相傳。

雨水

布穀催耕雨水天，辛勤農事在桑田。犁鋤耘土趨時令，播種施肥鬧陌阡。

中秋

光陰不覺又中秋，獨自披衣上小樓。今夕油然添感慨，人生又見月當頭。

譚湘芷（紐約）詩二首

重臨故園

家園一別歲華更，格調中西祖輩營。百載風雲成古跡，重臨故地不勝情。

六十年前與來儀緊握手

昔日責膺新幣押，軍航護送至珠城。共經風雨同甘苦，永記崢嶸歲月情。

靜子（山西大同市）詩三首詞一闕

贈雨墨

纖玉尋秋葉，林深近大荒。天穹塗雨墨，茶篔泛霜黃。  
汲水嘗新茗，沏湯亮老光。胡麻油味美，隔夜齒留香。

自題

舊酒醇香古樹茶，夕陽晚照數梅花。乾坤袖裡明千載，雨雪風霜老吊瓜。

鳳臨閣

煙月朦朧想帝京，閣清冰冷息山盟。一朝風雨隨雲去，戲鳳游龍唱到明。

《菩薩蠻》偶遇

見時歡喜離惆悵，不須思挂終難忘。猶記煮梅時，盈盈含淚辭。  
默然輕諾許，脈脈無斯語。陸續各成家，牆頭偶賞花。

祖愛民（安徽蕭縣）詩四首

鳳凰古城

沱水悠悠兩岸樓，鳳城千古哪堪愁。同為秦漢溶溶月，不見當年萬戶侯。

遊寶雞姜子牙釣魚臺

乘興釣魚臺上遊，一山霧靄一山秋。本來事事便如此，千古無鉤任去留。

登黃鶴樓

巍峙層樓欲入雲，千秋訪覓不逢君。鶴飛天外知何去？約我同為不老人。

遊徐州雲龍山放鶴亭

雲龍山上白雲多，鶴伴夕陽亭為窠。振翼一聲九霄去，長空萬里看山河！

李伯雲（安徽蕭縣）詩二首

詩債

秋欠騷人一首詩，抱誠還債不須遲。先擎彩筆讓楓寫，再教黃花吐錦詞。

## 蕭徐兩地文友戊戌迎秋雅集感賦

時值新秋尚未涼，龍城雅聚訴衷腸。情深最是彭城客，才峭當誇巾幗郎。  
同醉一樓攄美酒，共吟兩地賦華章。推窗望盡青山外，無限詩懷寄雁行。

## 陳匡任（紐約）詩二首

## 春望

春風送暖百花香，雨潤江南綠柳長。碧海微波騰細浪，祥雲幾朵伴驕陽。  
天涯遊子思家國，網絡熒屏播錦章。靜倚窗前遙望遠，凝聽喜曲韻悠揚。

## 詠梅

庭前籬畔一叢梅，玉蕊嫣然張瓣開。鐵骨疏棱擎瑞雪，橫枝蒼勁向樓臺。  
清姿躬送寒潮去，綠葉笑迎溫暖回。不與群花爭艷麗，芬芳只為報春來。

## 趙永鵬（紐約）詩二首

## 訪嘉興烏鎮兩首

## （一）

鱗次民房兩岸開，石橋各異架河來。遊人絡繹喧嘩起，少了安閒旺了財。



(一一)

千年織釀大門開，如劍客人過闡來。舊廠殘爐成景點，輝生遺產又生財。

陳偉區 (紐約) 詩三首

題甄錦能油畫《鵝池》

細膩顯真功，臨描景物同。義之心致愛，韻味盡其中。

賀岑灼槐董事長榮獲皇后大學嘉許狀

山小而高貴有名，名符其實獲殊榮。榮膺德譽多行善，善慶人生總是情。

【注】「山小而高」即為岑。

悼念陳香梅

青春抱負歷風雷，不懼頻遭戰火摧。勇敢夫君飛虎將，聰明賢婦外交才。  
熱情穩重憐民瘼，懿德昭彰勵後來。譽響名揚家國讚，傳聞噩耗頓生哀。

梁小峰（紐約）詞三闋

《鵲橋仙》

星光引輦，銀河橫鵲，橋上綺羅歡語。朔風珠露喜相逢，杏臉面、桃花笑處。  
初收涕泗，投懷偎倚，催曉一聲離去。歸時猶未淚痕乾，萬古意、多情牛女。

《西江月》

遠渚錦帆回槳，芳草隨意連牆。此時歸燕築巢香，蜂蝶探花遊蕩。  
小苑把杯晴亮，西園啼鳥斜陽。落霞月白碧天長，玉笛聲鐘鼓響。

《蘇幕遮》

嶂霞清，溪水俏。煙翠菲菲，坡上尋芳草。閒步回頭絲絮照。鷓鴣啼紅，底事春  
歸早。黯鄉愁，迷遠道。寄語萍遊，美夢隨心好。明月高樓星斗抱。滿地梨花，  
曉鏡人將老。

郭仕彬（紐約）詩四首

賀「第二屆紐約蘭亭書畫展」圓滿成功

（一）

蘭亭畫展耀蘋城，走筆龍蛇韻味生。彩繪蟲魚花草美，丹青藝苑聚群英。

（二）

何處清風送墨香，蘋城騷客草書狂。丹青妙筆描新景，紙上縱橫寫錦章。

賀周榮詩長《彼岸吟懷》詩集發表

（一）

少小沉迷李杜風，經年求索入詩叢。吟懷一本橫空出，贏得身前聲譽隆。

（二）

廿載耕耘從未休，暢游詩海自優悠。弘揚國粹多精品，彼岸吟懷一覽收。

王敏健（費城）詩二首 詞一闕

登高

秋日尋階登百尺，白雲伴我探鴻蒙。山披絮笠釣滄海，樹織霞衣舞北風。  
彼岸無邊舟擊浪，晚鐘破靜月如弓。流連不覺歸程忘，真趣超然天地中。

## 感事

忍看苗圃起悲風，三色流星橫太空。  
針扎新芽濺花淚，行如禽獸禍孺童。  
爺孃頓足向天哭，師道無端嘆路窮。  
最是商聲聽落寞，雲林寒氣影迷蒙。

## 《浣溪沙》桃花扇

路向秦淮停畫橈，絮飄黛瓦竹橫橋，  
誰人月下弄銀簫？  
香扇影歸花下舞，羅裙珮響夢中飄。  
倩魂人畫點夭桃。

## 陳梅珍（紐約）詩三首

## 詠梅

凌霜傲雪意縱橫，雅態清新伴此生。  
彩墨淋漓描一幅，梅花珍重故園情。

## 夏威夷渡假

一

珍禽異卉景千重，樓閣亭台古韻濃。  
把酒言歡心意在，齊臨廟宇聽晨鐘。

二

碧海藍天無盡邊，金沙十里水相連。  
婆娑椰影隨風舞，落日餘暉照眼前。

賦

## 馮貴華（陝西漢中市）

## 漢中賦

天垂星相，銀漢遙顧，形勝以稱天漢城；地造秦巴，龍鳳來儀，物博而譽聚寶盆。祖居龍脈，根追龍崗之盛；禹封褒國，溯源褒河之濱。惠文王置郡，漢中始名；唐德宗賜號，興元至尊<sup>(一)</sup>。張騫故里，蔡倫魂塚；熊貓樂園，朱鷲棲村。秦嶺阻北，拒寒流之擾；巴山屏南，接暖雨之潤。夾流漢江，清長江濁浪；懷抱沃野，號魚米重鎮。鎖關中而控川渝，襟隴甘而引襄荊。物象季候天設，地理單元自成。坐擁華夏腹地，得享人間仙境。

詩曰：「維天有漢，鑒若有光。」漢家由斯而發軔，九垓賴漢以歸邦。漢朝、漢民稱謂濫觴；漢語、漢字蓋名定綱。噫噓！悠悠漢中，漢族老家，國人故鄉！

維天有漢，壯我家邦。秦巴拱圍，群峰凝黛，美如碧玉翠屏；嘉漢納涓，眾水流玉，秀似旖旎羅幃。天台悄然南去，仙霧繚天；梁山突如西來，羅漢繞梁。斗山兀起，如倒置之斗；象山探頭，呈拱揖之象。定軍盤旋，宛游龍戲珠；午子騰空，猶飛鳳翱翔。且夫十里翡翠，褒河、瀛河、牧馬河獻綠，奇發萬千遐想；萬斛珠璣，南湖、蓮湖、紅寺湖呈秀，敞懷無限馳望。復有龍洞、獅洞、大佛洞，鐘乳石筍，如幻如迷而覺爽；更喜玉泉、金泉、泛珠泉，

綠漾碧凝，亦靈亦秀以情觴。褒斜、陳倉、米倉、金牛，條條古道利來往；武休、陽平、青石、棋盤，道道雄關以禦防。又若華陽雲夢，降匡廬之雲霧；黎坪流韻，奪九寨之波光。蒼蒼紫柏山，何尋子房隱居之仙鄉？奕奕古漢台，猶現沛公啟漢之瑞象！春賞早蓮，落英長悼武侯之德尚；秋聞漢桂，馨香仰慕鄼侯之慧光。

吁！宜游勝地，適居天堂！

維地有漢，育我蒼生。梁山石燕<sup>(一)</sup>，驚現生命之古史；寧強隕石<sup>(二)</sup>，演繹行星之軌程。賞千禽，朱鸚亮翅；覓百獸，熊貓藏隱。金猴逗羚牛，尾雉追金雕；水獺戀澗碧，大鯢迷波影。漢桂「長老」，蕭何手植奇香千輪；銀杏「楷模」，太白親栽茂盛百齡。獨有之謎，張良廟彎彎竹，曲中求直；稀世之奇，武侯祠木芙蓉，旱地長生。盛礦撲地，難以列陳，勉略寧金三角，中國「烏拉爾」之稱<sup>(三)</sup>。西北糧倉，在我園田，黑米香谷稱佳物；三秦瓜果，在我阡陌，櫻桃蜜桔調珍品。八方酒盅，斟我秦洋玉液；四海茶壺，沏我仙毫香茗。我之奇藥，神醫良方；我之美蔬，師廚佳飪。熱麵皮、菜豆腐，魂斷遊子；麻辣雞、核桃饅，夢牽旅人。吁！物華天寶，奇珍流芬。

維材有漢，寫我宏篇。文川武鄉，聚曠代聖賢；廉泉讓水，育古今俊彥。遊女踏浪，亦歌亦翩；褒姒出世，傾國傾顏。張騫鑿空，絲路首征，博望魂歸；蔡倫搗漿，紙薄古今，龍亭長眠。李固有喉舌之才，立鯁直之杆；王孫有養身之術，開薄葬之先<sup>(四)</sup>。張魯布道，五斗米入烏托邦；法照傳法，四祖師承淨土禪<sup>(五)</sup>。鄭子真垂隱，潔身不仕<sup>(六)</sup>；李文敏施善，古風承

傳。哈國楨譯播《古蘭經》，劉寶鏜總監中山園。何挺穎氣貫黃洋界，陳淺倫義薄午子關；王范堂血戰台兒莊，楊育才奇襲白虎團。左明導戲，喚醒民眾；安漢農墾，以紓國難。筆走龍蛇，「北陳」墨毫敵「南康」<sup>(八)</sup>；彩繪山水，雪農丹青領長安<sup>(九)</sup>。吁！人杰地靈，鳳熙龍蟠。

維文有漢，壯我雄史。龍崗寺遺址，考新舊之石器；李家村文化，論遠近之文史。漢源奇洞，禹王疑字誰解？寶山神窯，商周禮器驚世。漢上採歌兮《詩經》和韻，女神曼舞兮《漢廣》伴曲。信手拈來，眼前莫非兩漢遺物；回目一望，身後盡是三國勝跡。棧道通兮連秦蜀，石門開兮耀寰宇。劉邦駐蹕，韓信拜將，而奠大漢之基；劉備立王，諸葛屯兵，以圖興漢之志。魏武揮鞭，褒河「袞雪」；黃忠橫刀，定軍聳立。藁訣十四方，靖芝與媿<sup>(十)</sup>；漢魏十三品，東瀛之師<sup>(十一)</sup>。蘇文對韻，典出胸有成竹，演繹詩畫之趣<sup>(十二)</sup>；李杜詠詩，炳蔚蜀道秦關，享譽仙聖之極。放翁戎南鄭，生發「三昧」精義；文正歷漢中，激揚六首絕句<sup>(十三)</sup>。《儀制令》師交通之規，《勸農文》授農耕之技。披雄禪林，智果寺巨帙經卷；巧奪天工，靈崖寺摩崖依稀。張騫墓、蔡倫墓、諸葛墓憑弔賢士；蕭何堰、班公堰、五門堰澤被桑梓。仙影駕虹，張良廟、天台山、洞陽宮，士客飄飄詩屏中；佛光撥雲，小南海、古路壩、楊禪院，信徒熙熙畫鏡裡。漢溯本源，民追慧智。行漢禮，飲漢茶，品漢食，漢風俗遺韻如溪；聽漢歌，賞漢樂，觀漢舞，漢文化古風若玉。《定軍山》肇始銀幕，《紅梅嶺》不輸京劇<sup>(十四)</sup>。秦腔隴韻為根，漢調桃桃梨園播芳；巴音楚聲為魂，鎮巴民歌樂壇響譽。南鄭藤編，巧逾神工；城固刺繡，燦若雲霓。吁！弦歌傳唱，文脈延續。

維今有漢，譜我華章。漢史流長，仁披萬民；漢風日昌，德澤九鄉。穩一產，玉潤膏壤；強二產，福祉家邦；活三產，鳳熙龍攘。漢鏘、漢航、漢鋼，擎強市之巨柱；漢煙、漢藥、漢茶，圓富民之夢想。高鐵高速，瞬間能游北疆；銀鷹展翅，朝夕可達南洋。漢江穿城，兩岸碧帶，笙歌漁唱，煙柳夭橋，醉夢瑤苑飛觴。走鄉村，黛瓦粉牆間，流連繡樓華堂；逛都市，美廈畫坊裡，痴迷多彩時尚。從頭標舉，領陝南而崛起；率先突破，崇科學而富強。城鄉統籌，雙百戰略推進；超常跨躍，五優產業引航。兩漢三國文化搭台，非公民營經濟登場。集群化拉動，三中心、四區域，宛若花木飛芳；園區化承載，五龍頭、六基地，猶如龍鳳呈祥。文化城、旅游城、魅力城、園林城，榮登全國之榜；茶葉節、菜花節、櫻桃節、柑桔節，賓客寒來暑往。吁！黎元幸福，世代安康！

嗟吁！我愛我家，真美漢中。懷古覽今，贊百代殊功；期鄉圖興，頌千秋隆豐。振大漢風，創偉業於綺夢；乘世紀龍，展宏圖於長空！

### 【注釋】

(一) 德宗賜號，興元至尊：唐德宗李適來漢避朱之亂，因漢中護駕有功，德宗將其年號「興元」賜給漢中，改梁州為興元府，開我國歷史上用帝王年號命府名之先河。



(二) 梁山石燕：古海生物化石，其狀如燕，風雨過後，梁山一帶這種化石便突出地面，為漢中八景之一。

(三) 寧強隕石：一九八三年六月二十五日七時，在寧強縣西部的燕子砭的嘉陵江畔，降落一顆碳質球粒隕石。這顆馳名中外的寧強隕石是太陽系最古老的天體樣品，是世界上研究天體文學和天體形成史最珍貴的稀有實物標本。

(四) 中國「烏拉爾」：李四光考察漢中勉縣、略陽、寧強三縣時評語。

(五) 王孫：《後漢書·楊王孫傳》(六十七卷)載：漢武帝年間(公元前一世紀左右)，漢中城固人楊王孫，家業千金，學黃老養生之術，厚自奉養生，遺令：「布囊盛尸，入地七尺；既下，從足引脫其囊，以身親土。」為我國史載第一個倡導厚養薄葬的矯世哲人，後被史學家稱為「王孫裸葬」。

(六) 法照傳法：法照，即張法照，唐代高僧，出生於漢中洋縣釋子山，唐德宗賜予「五會念佛事般若道路場主國師」，為我國佛教淨土宗第四代祖師。

(七) 鄭子真：鄭子真，名鄭樸，祖居褒谷，漢代高隱名士，甘恬秉默，教人以勉，以敬天、事人之道，雖名京師，然隱居不仕，常垂釣於褒谷口，世號「谷口先生」。

(八) 北陳：即陳曉耘，名毅，城固縣豐樂橋街人，追隨孫中山加入同盟會，工書善印。『南康』即康有為，清末民初書法界有「南康北陳」之稱。

(九) 雪農：方濟眾，字雪農，漢中勉縣人。著名山水畫家，長安畫派代表之一。曾任中國美術家協會常務理事、陝西美協副主席和省國畫院院長，陝西省文聯副主席。

(十) 藁訣十四方：書法大師王世鏜之珍品，于右任稱其：「古之索靖，今之張芝，三百年來世無與並。」靖、芝即索靖、張芝，古代大書法家。

(十一) 漢魏十三品：石門十三通摩崖，現存漢中市博物館。一九八六年，日本書道院院長種谷扇舟參觀完《石門十三品》，感慨萬千，揮筆大書：「漢中石門，日本之師。」

(十二) 蘇文對韻：蘇文，即蘇軾和文同。宋神宗時期（一零六八—一零七七）文同任洋州知州，作《洋州三十詠》，蘇軾按景和韻《和文與可洋川園池三十首》，並在《文與可畫篔簹谷偃竹記》寫道：「與可畫竹，必先得成竹於胸……」成語「胸有成竹」典出於此。

(十三) 文正：即曾國藩，字文正，清道光二十三年（一八四三），返京途經漢中，目睹漢中名勝，遂作七絕六首，收入《曾文正公詩集》卷三《入陝西境六絕句》。

(十四) 《定軍山》：一九零五年我國第一部以漢中地名命名的電影《定軍山》在北京誕生。《紅梅嶺》：五十年代，由漢中紅星歌劇團創作的歌劇《紅梅嶺》晉京演出獲大獎，引起轟動，後改編成電影。

## 諸家撰聯

李伯雲（安徽）

### 題岳陽樓

希文一記，天下知憂樂；

工部五言，人間說有無。

【注】有無：杜甫題岳陽樓詩句：「親朋無一字，老病有孤舟。」

154

### 醉翁亭

客問青山，魂幾時歸，一遊天外三千界；  
我尋名記，翁何日醒，半醉亭前八百年。

### 西安秦始皇兵馬俑

兵吞諸國，圖霸業，二千年戰馬猶嘶，看  
雄師陣列，世驚奇跡論功過；  
客過驪山，問秦皇，三百里阿房安在，歎  
瑞闕龍居，賦載大觀留古今。

### 題程子書院

傳薪明道，雙程萬古師，人間鬻苑仰雙傑；  
重教文宣，一聖千秋德，天下杏林第一壇。

【注】江蘇省豐縣程子書院建於北宋時期，是徐州地區早期最高學府。是宋理學奠基者「二程」之一程顥所創辦、講學的地方。文宣：孔子的封號。

### 與胡萼君合著《雙頌黃山》聯畫集

文雖兩句，收眼底八方雲瀑，任我雄辭豪  
氣，寫盡徽風，壯也千重山水；  
筆就一支，吐胸中萬壑煙霞，憑君淡墨濃  
情，鑄成皖韻，奇哉百幅丹青。

郭鴻森（江蘇）

自題郭氏祖傳針灸診所春聯

灼艾祛邪匡正氣

..

施針卻病葆童心。

題《水月山嵐》圖聯

一

嵐煙飄渺騷人隱

..

丘壑幽深月色朦。

一一

水聲汨汨，月色朦朦，樹木森森，丘壑幽

深堪賞味

..

山徑悠悠，嵐煙縹緲，茅寮寂寂，板橋古

樸耐盤桓。

詠竹聯

立地頂天，清雅虛心誠可貴

..

沐風櫛雨，軒昂勁節更堪珍。

詠蘭聯

一

棲身峽谷山林，高潔情懷，質樸清新求淡

雅

..

放眼詩情畫意，從容氣質，安嫺飄逸吐幽

香。

一一

幽谷情懷，俯仰不愁交鳳眼

..

馨香風範，吟哦最喜吐龍珠。

賀馬長泰先生八秩大壽聯

長壽有方，八秩葆童心，長鳴聯苑驚遐

邇

..

泰風無限，九瀛傳妙筆，泰定書壇鑄古

今。

悼念中華詩詞學會原副會長、顧問蔡厚  
示教授聯

棲身獨柳居，名震騷壇，詩詞拾翠殷勤，  
大著貺施銘肺腑；

振鐸諸賢序，譽蜚薄海，桃李爭芳繁麗，  
酸心驚詫馭蓬萊。

### 卓臨江（廣東）

題蘇州司徒廟清奇古怪四古柏和鄧禹草  
堂聯

清奇古怪四神，若分身佈道，修成蒼柏連  
天地；

正直精忠一漢，敢立志辭官，歸隱草堂尊  
聖賢。

### 王晉恆（馬來西亞）

端午對聯

屈子自傷，離騷噙淚念芳草；

宋卿同戚，九辯含愁哀美人。

備註：新加坡書法家林銳彬老師出上句，  
王晉恆對之

### 馬玉強（洛杉磯）

遙賀法國薛楚明詩家八秩晉二榮壽誌慶  
楚勁枝榮、福潤綿綿添鶴算；

明光星亮、祥徵疊疊享遐齡。

痛悼泛美中華會館黃金泉秘書長辭塵  
志氣軒昂、愛國愛鄉、畢世忠肝照日月；  
德風浩蕩、護僑護眾、一生義膽亮乾坤。

### 畢日陞（洛杉磯）

己亥新春贈風笛詩社藏名春聯

東南西北中，春風送暖，百態葩放園林，  
且喚取、扇歌裙舞；

徵羽宮商角，玉笛傳悠，一時聲揚樂府，  
但安排、酒令詩籌。

## 輓詩輓聯悼念洛杉磯中華詩會會長舒先生憲波

洛杉磯中華詩會會長於西元二零一九年元月七日逝世。距生於西元一九二五年十二月二十八日，得年九十三歲。

輓舒先生憲波 汪蓮芳

北斗星沉，詩社於今失詩友。

南天春望，湘雲何日霽晴虹。

洛杉磯中華詩會舒憲波會長千古 楊永超

鋒芒早露少青年，亮節高風仰俊賢。破浪裁波人慷慨，尋源避地自寒仙。  
鞠躬盡瘁興詩教，遺著名篇終古傳。英哲功成騎鶴去，莫公豈料茁梅天。

輓聯

北斗星沉，附驥無從，月暗秋涼懷詩客。  
南天空仰，憑誰指引，雲橫夜靜憶時賢。

輓舒憲波詩翁

畢日陞

耆舊凋零痛也哀，薤歌唱起淚沾腮。鴻儒每望疑幽鶴，冬氣唯驚襲老梅。  
詩社攢眉皆嘆惜，風標挺骨亦崔嵬。沉思絕句斯樓賦，猶見丰神照眼來。

輓聯

龍隱海天趨玉闕。  
鶴歸華表哭斯樓。

美國舒憲波詩翁千古

多倫多鄧超文

梅花入土存風骨；  
鶴駕歸真仰道儀。

痛悼中華詩會舒憲波會長千古

馬玉強

一代詩家，道德文章欽內外。  
畢生學者，古今典籍貫東西。

## 中華詩會舒憲波會長千古

張正平

兒孫滿堂，齊家重孝鳴天下。  
俠侶同心，濟世行仁譽士林。

## 敬悼中華詩會舒憲波會長千古

洛杉磯 扶風

著力騷壇揚教化，老歲益堅，精神垂後世。  
用心翰墨導文風，一生不懈，亮節照人間。

## 悼洛杉磯中華詩會舒憲波會長千古

楊遠芳

湘鄉俊彥洛名流，望重德高誰比儔。繾綣迷魂托離草，淋漓醉墨寫斯樓。  
連珠妙語音容在，拍案豪情格調留。昨日驚傳白雞夢，忍將老淚灑西州。

註：《支園離草》、《斯樓半卷》乃舒會長詩詞集大著。

## 輓聯

研紅樓，愛寶玉，才驚學界，名士原來是情種。  
主詩社，雕神龍，藝動洛城，先生到底足風流。



## 悼洛杉磯中華詩會舒憲波會長千古

王倫德

大儒捲軸別斯樓，時悵清風感世愁。妙語連珠詩禮訓，奇書聯載字勤酬。  
叢刊起草勘生筆，藝苑高吟乏展謀。執紼人來花雪舞，賦鵬翔鶴去幽悠。

## 輓聯

憲章蓋世，學富雕龍文修天上。  
波浪濤沉，才雄走馬星隕人間。

## 中華詩會舒憲波會長千古

劉姚朗

噩耗傳來，洛郡哀傷懷巨擘。  
風雲色變，詩魂縹緲返湘西。

驚聞舒先生往生，感念舒前會長領導北橙松柏會，任勞任怨，  
一身正氣，服務同鄉耆老，不勝哀思。北橙松柏會後進 陳錫中敬輓  
忠以為國，亦文亦武，傳湘鄉文正之風範。  
商以致富，施財施德，演春秋陶朱之義行。

悼念洛杉磯中華詩會舒憲波會長千古

梁柳英

抱義含仁秉赤忱，清風明月嘔肝吟。詩魂滌句遶風播，木鐸傳經有嗣音。  
金石百朋情誼重，風霜一木感懷深。展箋忍誦悲傷句，噩耗驚聞子夜臨。

輓聯

詩壇喪勁者。  
藝苑失詞人。

中華詩會舒憲波會長千古

洛杉磯晚芳詩社同仁

儒商爾雅，俊業宏開，奮躍南加逾卅載。  
名士風流，紅樓卓見，輝煌論著貫千秋。

中華詩會舒憲波會長千古

甘富忠

大雅云亡，英靈已作蓬萊客。  
老成凋謝，德範猶薰湘縣人。

敬輓洛杉磯中華詩會舒憲波會長

洛杉磯中華詩會同仁

詩人新穎推宗伯；  
風雨淒其弔學人。

# 己亥新年劉姚朗詞長春茗招筵詩友唱酬集

《留春令》己亥三月洛杉磯晚芳詩社劉姚朗社長春茗見招 汪蓮芳  
杏花時候。瀟茗綺席，春風依舊。曾染煙霞織詩愁。久繫繫漁磯柳。且向尊前杯作酒。任彩雲去留。同賦清吟暫倚樓。漫青鬢霜歌後。

## 感謝劉姚朗社長邀宴春茗

樸魯

感謝劉翁邀宴來，齊心放彩笑顏開。桃花吐艷濃春日，騷客騰歡醇酒陪。唱詠佳音悠悅耳，吟哦美韻繞樓臺。文儔雅敘抒懷暢，詩酒交流醉幾回。

## 步韻敬和馬玉強詞長春茗詩

劉姚朗

俊彥文儔挽袂來，桃梅嫣笑逗春開。濃羹淡素嚐新饌，酌薄粗茶捨舊醅。豪邁誦詞飛秀閣，悠揚客調滿蘭臺。人生難有傾觴醉，且步歌聲舞幾回。

## 己亥新年劉姚朗詞長春茗招筵賦謝

畢日陞

華堂喜見盛筵開，宋調唐歌古典催。卷軸感心騷客賦，文章放手雅人裁。高風卓絕千年望，韻事瓊瑰百載回。滿座詩豪肝膽在，陽酥春到共添杯。

步韻敬和畢日陞詞長《劉姚朗春茗招筵賦謝》 劉姚朗

弦管飛歌繞棟開，陽春白雪席間催。三年斷約塵埃桌，八怪聲沉待眾裁。  
聚首難求宜聚首，傾觴能有幾多回。來年春暖花繁日，無缺人緣共舉杯。

依韻奉和畢兄《劉姚朗社長春茗招筵賦謝》 樸魯

春融瑞氣百花開，恰是騷風雅韻催。記得三年同賦詠，更應今日共心裁。  
南加八怪情盟結，詩卷齊掀唱幾回。喜有詞尊邀茗品，歡懷樂享醉添杯。

奉和畢日陞詞長《劉姚朗春茗招筵賦謝》原韻 馬昭君

春來敘舊話題開，客應主隨免促催。灑灑詞章天地闊，洋洋詩意古今裁。  
風流入韻留佳作，談笑用情樂幾回。在座鴻儒多豁達，推敲酬唱共乾杯。

有感劉姚朗詞長春茗邀宴 楊遠芳

斗柄已東指，凡塵三月天。雲中鳶剪影，湖畔柳生煙。  
好雨佳人約，和風美酒緣。南加多勝友，雅敘樂翩躚。

## 《沁園春》

楊永超

南加詩友於上流食府春茗大聯歡並衷謝劉姚朗老師邀宴

暖日柔風，鬥草尋芳，雅叙上流。墨情恆久念，近逢週末，詩朋咸集，喜氣清幽。桃馥香柔。青霞綺靄，携律芸箋擊壤謳。齊傾盞，酒醇佳饌美，唱玉盈眸。鏘金振藻詩囚。可貴處傳經薪火謀。憶昔騷壇韻，清新俊逸，雕龍倚馬，楔事交修。學海書城，丕開筆陣，秋實春華心正悠。同歡祝，舜地堯天永，壯志嘉猷。

## 春茗

王倫德

應晚芳詩社總編輯劉姚朗詩長邀約，謹致一律以謝。

日暖墨濃三月來，攜壺約友上春台。劉君雅量汪洋度，騷客書籤玉錦裁。  
美酒香茶任意賞，佳章俚句寸心陪。晚芳社苑祥雲集，異域詩花滿地開。

## 依韻奉和畢詞長《劉姚朗社長春茗招筵賦謝》 翁躍韶

春風一路曉花開，未到華堂韻自催。賢聚上流千闕賦，詩從高古一人裁。  
辛勞數載恩難盡，奉和無詞恨不回。為繼國文傳萬代，躬耕墨苑再添杯。

編後話 楊永超

洛杉磯中華詩會2019年《中華詩詞》面世了。詩集中薈萃了諸多佳作。滙合了美國，臺灣，中國各省，歐洲及加拿大幾百篇詩詞楹聯。佳什名篇，為中華詩詞發展，添加了妍雅的一筆，也為以後對中華詩詞的研究，留下寶貴資料。

本會會長舒憲波先生，慟於今年元月七日逝世，得年九十三歲。舒老生前除負責本刊每期經費外，也為發展海外中華文化，不遺餘力。本期結集了詩友悼念舒老詩聯一輯，以表敬意。

實至名歸，詩會會長由汪蓮芳女士接任，汪會長早年應臺灣中華學術院詩學研究所聘為詩學研究委員多年。旅美以來，蕭一葦會長邀約，乃為洛杉磯中華詩會力耕久之。為蕭公早年臺灣「四可吟社」詩友。本刊過去以《叢刊》為名，今年始易名為《中華詩詞》。封面為汪會長題簽。

本期題材廣泛，詩詞更着氣韻。洛杉磯汪蓮芳、莫光輝的詩詞文章，臺灣「乾坤詩刊」古詩詞主編吳東晟、均珠玉紛陳，佳作頗多。

感謝洛杉磯南加州先鋒文化聯藝中心 (Pioneer Chinese Culture & Arts Center of Southern California) 總裁謝超林先生，贊助本期印刷，及郵資全部費用。

最後謹以一首七律結束編後話：

騷壇走筆思悠然，百鍊終成金玉編。  
人羨芸箋歌韻海，誰知墨汗滴心田。  
興邦情鑄唐音雅，愛國心凝漢語妍。  
若問明朝何處去，雕詞琢字衍新篇。

## 美國洛杉磯《中華詩會》2020年度五月一日起徵稿啟事

本詩會詩詞《中華詩詞》園地公開，無論詩，詞，曲，賦，楹聯及詩詞論述（不接受新詩），都歡迎各地詩家詞長惠賜大作，共同為發揚中國文化作出貢獻。投稿的古體，近體詩，詞，曲，或賦，請依詩的格律，詞譜，曲牌的平仄及韻律創作。來稿以不超過八首（闕）為限。

本詩會二零二零年度《中華詩詞》將會在同年九月左右出版，二零二零年七月十五日截稿。

請作者用電郵信箱於五月後投稿，並註明為投交「洛杉磯中華詩會中華詩詞」稿件。並請附上電郵信箱，通訊地址，（中國作者請附手機電話號碼以便速遞，）來稿請寄下面電郵郵址：

167

(1) 洛杉磯《中華詩會》郵箱 [chpoetrybox@yahoo.com](mailto:chpoetrybox@yahoo.com) 或

(2) WingYeung (楊永超) [wingyeung7401@hotmail.com](mailto:wingyeung7401@hotmail.com)

或郵寄· Los Angeles Chinese Poets Association

20201 Rim Ridge Road Walnut, CA 91789 USA

洛杉磯中華詩會《中華詩詞》編委會收

洛杉磯中華詩會敬約



盧摯

祝聖樂章


春從天上來至元二十九年八月二日

姑射乘龍與少皞行秋佳氣蔥蔥  
 想見玉立神姿更川妃微步口便似戶外昭  
 正雜人鳴曉鳳吹騰空風流太平禮樂是鼓腹康衢  
 白叟黃童說向周公聲容文物歌舞帝力神功幸天公  
 不禁人閒酒醉得西風此心同有黃河爲帶江漢朝宗

清平樂元貞元旦

元貞更號日月開黃道試看韶華何處好擊壤康衢父

ISBN 962-8204-17-3



9 1789628 204175 1